



सानसेयारि **“बड'सा”** खरीर्लाइयाव
स्माजयारि जिउजो लोब्बा थानाय रायथाय, खन्थाय,
खल', खल'बाथा आरो दावबायारि थावनि, पार्क
बाइदिनि स्थाय लिरुनाय लिरुबिदां दैथाय हर/
सानसेयारि **“बड'सा”** खरीर्लाइया खेबखानावै
फोखावोन/
बड'सायाव लिरुहनायनि हुदा खालाम,
“बड'सा” खरी नोथां, जौ बयबो आंगो खालाम/
सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, चिटिसि-783370
Website: www.bodosanewspaper.com

BODOSA ★ A Bodo News Daily ★ Friday ★ 2 May, 2025 Kokrajhar, BTC, Assam ★ Vol.- 35, Issue No. 37 ★ R.N.I.Regd.No.40994/91, Assam Govt.Regd.No.IPRD.40/2006/3, Rs.8/-

गोदान दिल्लीयाव बड'फानि मुडै लामा-मुसुखा बेखेवनानै मान होदों

**दिल्लीयाव बड'फानि मुसुखा गायसन्नाया हादतनि फिसा-
फिसा जनजातिखौ मान होनायनि नेसौन जादों: अमित शाह**

‘पहेलगामनि जाथायाव लोब्बा थानाय उतरारिफोरखौ रेहाय होनाय जानाय नडा’



गोदान दिल्लीनिफ्राय रबिराम बरगयारी, कक्राझार,
1 मे: बड'फा उपेन्द्रनाथ ब्रह्मनि 35थि थैनाय सानखौ
दिनै हादतनि राजथावनि गोदान दिल्लीयाव बयनिबो
गोसोखौ बोनो हानाय हाबाफारिजों खुनाय जादों।
मख 'नो गोनादि, गोदान दिल्लीनि कैलाश क'लनीयाव
थानाय बड'लेण्ड आलासि थागा न'आव बेखौ लोब्बा

लानानै दिनै दुलाराय बर' फरायसा आफाद (एबसु)
आ फुं समाव बड'फा उपेन्द्रनाथ ब्रह्मनि मुसुखायाव
बिबार मान बाउनाय आरो बिबारनि माला गानहोनायजों
बड'फा उपेन्द्रनाथ ब्रह्मनि 35थि थैनाय बोसोरनि जर'खा
हाबाफारि खुंदों। फारसेथि, बड'फा उपेन्द्रनाथ ब्रह्मनि
35थि थैनाय बोसोरारिखौ लोब्बा लानानै हादतनि

राजथावनि गोदान दिल्लीनि कैलाश क'लनी आरो
लाला लाजपत राय लामा फोनांजाब 835 मिटर गोलाव
आरो 50 फुट गुवार दोंसे इउ टर्न लामाखौ **“बड'फा
इउ एन ब्रह्म लामा”** मुं होनायजों लोगोसे लामानि
गिदिनाय चकआव बड'फानि मोनसे मुसुखाखौबो
गायसन्दों। दिनै बेलासिनि (□ 6 बिलाइआव)

**79 नं भातकुसि गुदि
फरायसालिनि गाहाइ फोरोंगिरि
तरुण स्वर्गियारिखौ बिदाय होदों**



दिपेन चन्द्र बर', रडिया, 1 मे:
मैया आजिरा मोन्नाय सानाव
रडिया सोलोंथाइ खोन्दोनि
बेन्दोडाव थानाय 79 नं
भातकुसि गुदि फरायसालिनि
गाहाइ फोरोंगिरि तरुण
स्वर्गियारिखौ फरायसालियाव
फरायसालि सामलाय आफाद
आरो फरायसाफोरनि
बिगोमाफोरा मोनसे फिसा
आफाद खुनानै आर'नाइ आरो

आग'र फालिजों मान होनानै
बिदाय होनाय जायो। बे
हाबाफारियाव रडिया बर' बिजों
गोजौसिन फरायसालिनि
गोरायुं पतनेस्वर बर', रडिया
दख'रा एबसुनि लेडाइ
आफादगिरि रिनु बर', गाहाइ
नेहाथारि समल बर' आरो
गेलेमु नेहाथारि चिन्तु बर' आरो
थुनलाइयारि हान्जा खन्थाइ
बिबारनि गाहाइ सामलायगिरि
दिपेन चन्द्र बर' मोनहाबो
नुजाथिफैदोंमोन। आफादखौ
दक्षिण पाण्डुरि गोजौ
फरायसालिनि लोगो फोरोंगिरि
उदय चन्द्र बर' आ
आफादगिरिनि मासि लानानै
सामलायदोंमोन।□

**गोदान दिल्लीनि बड'लेण्ड हाउस बड'फा उपेन्द्र
नाथ ब्रह्मनि 35थि रुंसारि सान फालिदों**

**बड'फानि मुं लानानै राजखान्थियारि नोजोरजों रावबो
दास्थे-बिदास्थे खालामनो नाडा: दिपेन बर'**

गोदान दिल्ली/कक्राझार, 1
मे: दिनै 1 मे, बर'फोरनि
थाखाय मोनसे गोसो खांथि
सान। मानोना 1 मेआव बड'फा
उपेन्द्र नाथ ब्रह्मनि थैनाय सान।
थानाय 1990 माइथायनि दिनैनि
सान एबा 1 मेआवनो बड'फा
उपेन्द्र नाथ ब्रह्मआ रुंसारि
जालांदोंमोन। मोनसे समाव
गुबुननि नासयनाय,
सोबख'नाय, गादबनायनिफ्राय
बर'फोरखौ उदां खालामनो
थाखाय दुलाराय बुहुमआव



थानाय बर'फोरखौ खौसे
खालामनानै हारिनि थाखाय
आरो आलादा राइज्यो
बड'लेण्डनि थाखाय
सोमावसारनायखौ दैदेनबोनानै
बर' हारिनि बिफा महरें
मानिजानाय बड'फा उपेन्द्र नाथ
ब्रह्मनि होलांनय बिहोमाखौ
मान होनानै दिनै दुलाराय
(□ 6 बिलाइआव)

**बड'फा उपेन्द्र नाथ ब्रह्मनि 35थि रुंसारि सानजों
लोब्बा लाखिनानै तामुलपुर जिल्लानि दाब-दाब
गामिफोरावबो आलारि बाथि फोजोंदों**



तामुलपुर, 1 मे: बड'फाया बर' माहारिखौ
गेरेमसा माहारि दाफुनायनि लामा दिन्थिगिरि।
मिरु दुलाराय बर' फरायसा आफादनि बिथोन
लेखा बड'लेण्ड आरो बड'लेण्डनि बाइजोआव
थानाय बर'फोरा बड'फा उपेन्द्र नाथ ब्रह्मनि 35थि
रुंसारि सानजों लोब्बा लाखिनानै दाब-दाब
गामिफोरावनो आलारि बाथि सावदों। जौनि बर'
माहारिनि बिफा बड'फा उपेन्द्र नाथ ब्रह्मनि 35थि
रुंसारि सानजों लोब्बा लाखिनानै दुलाराय बर'

फरायसा आफादआ दाब-दाब गामिनि रायजो-
राजाफोरखौ आलारि बाथि फोजोंनानै मान
होनायजों लोगोसेनो आर'ज गाननो खावलायनाय
बिथोन बादियै तामुलपुर जिल्लानि दाब-दाब
गामिफोरावबो दिनै मोनाबिलि समाव आलारि
बाथि फोजोंनायखौ नुनो मोन्दों। बेराफारसेथि
बर'फोरनि थाखाय मोनसे जारिमिनारि बुब्लि।
हादरनि राजथावनि गोदान दिल्ली कैलाश
कलनिआव (□ 6 बिलाइआव)

हारिमायारि लेबार सान

**गसाइगावआव लेबारफोरनि गुबै मोन्थायखौ
गथायनायनि दाबियाव लामा हान्जा सुदों**

गसाइगाव, 1 मे: गसाइगाव महकुमा लुफुंग्रा लेबार-मिस्ट्री
आफादनि बान्जायनायाव आरो गुबुन गुबुन लेबार आफादनि
हेफाजाबाव दिनै गसाइगाव सदर सहरआव जारिमिनारि मे सानखौ
फालिनाय जादों। सदर सहरनि नाट मन्दिर लांगोनायाव खुनाय
मे साननि हाबाफारियाव फिर्फिला बिरहोनाय, मुंखनं मान बाउनाय
आरो गेदेत लामा हान्जा सुरनाय खुनाय जादों। बेनि अनगायैबो
महकुमा अट आफादनि आफादगिरि फजल आलिनि आफादगिरि
मासि सामलायनायाव गेवलां मेल खुनाय जादों। गेवलां मेलआव
सिपिआइ (एम) राइज्यो कमिटिनि मावफुंगिरि सन्तश गुह,
तपन राय, उकिल मखलेशुर रहमानमोनजों लोगोसे माखासे
बुंथिगिरिफोरा बिबुंथि लाखिदों। जारिमिनारि मे सानाव सिटु
(सिआइटिड) नि हेफाजाबगिरि आफाद फारियै- सान्जौफुनि
आदर संग्रा आफाद, मटर लेबार आफाद, अंगनवादि मावफारिया
हेफाजाबगिरि आफाद, लुफुंग्रा लेबार-मिस्ट्री आफाद, अट
सालायगिरि, आशा मावफारिया आफाद, टेला-रिक्सा सालायगिरि
आफाद, इ-रिक्सा आफादनि माखासे रोजा सुबुंफोरा बाहागो
लाफैदों। गेवलां मेलआव सन्तश गुहआ लेबारफोरखौ दरसे
हादतनि जौगाखांनयनि गाहाइ आरो गोखों गोहो होनानै
लेबारफोरा गाव-गावसनि मोनांगौ (□ 6 बिलाइआव)

**गोदान दिल्लीयाव बड'फा उपेन्द्रनाथ ब्रह्मनि मुसुखा बेखेवनाय,
लामा आरो रटारी मुं होदों मिरु मन्थि नख'र मन्थि अमित शाहआ**



दिसपुर, 1 मे: मिरु नख'र आरो समबाय
बिफाननि मन्थि अमित शाहआ दिनै आसामनि
गिबि मन्थि ऊ हिमन्त बिश्व शर्मानि बाहागो
लाफैनायाव आसाम सरकारआ आजावना लानाय
गेदेमा नाजानायनि बाहागो महरें हादतनि राजथावनि
गोदान दिल्लीयाव बर' हारिनि लामा दिन्थिगिरि
बड'फा उपेन्द्रनाथ ब्रह्मनि 9 फुट गोजौ मोनसे
मुसुखा बेखेवनयजों लोगोसे बिथानि मुंजों दोंसे
लामा एबा रटारी मुं होयो। 835 मिटर गोलाव
लामाया लाला लाजपत राय मार्गनिफ्राय
जागायजेनानै कैलाश क'लनी लामानि बड'लेण्ड
हाउस बारलानानै इउ टर्न लानानै फिन लाला

लाजपत राय मार्ग लामाखौ फोनांजाबदों
हाबाफारियाव बिबुंथि होनानै गिबि मन्थि ऊ
हिमन्त बिश्व शर्माआ दिनैनि सानखौ आसामनि
थाखाय मोनसे गोगाथाव सान होना मख'दों।
बिथाड बुंदोंदि, बर'फोरनि गावआरि सिनायथिनि
थाखाय खामानि मावनाय बर' समाजनि बिफा
महरें मिबिथि जानाय बड'फा उपेन्द्रनाथ ब्रह्मनि
गोथार गोसोखांथियाव दिल्लीनि कैलाश
क'लनीयाव दोंसे लामाखौ मुं होनायजों लोगोसे
बड'फानि मोनसे मुसुखाखौ मिरु नख'र मन्थि
अमित शाहआ बेखेवना होनायाव राइज्योनि
थाखाय मोनसे (□ 6 बिलाइआव)

बासुगावआव हारिमायारि लेबार सान खुंदों

**बिजु कुमार ब्रह्म आरो उर्बशी ब्रह्म
फाउन्डेसननिफ्राय मान बाउदों**

बासुगाव, 1 मे: मुलुगनाडैजों
लोगोसे दिनै चिरां जिल्लानि
बासुगावआवबो गुबुन गुबुन
हाबाफारिनि गेजेरजों हारिमायारि
मे सान फालिदों। दिनैनि बे
हारिमायारि लेबार सानखौ लोब्बा
लानानै जिल्लानि सिद्ध थाया
काशिकत्रानि बिजु कुमार ब्रह्म
(□ 6 बिलाइआव)



REGISTRATION OPEN FOR THE SESSION 2025-26		
NEF GROUP OF COLLEGES		
Affiliated to Gauhati University, Dibrugarh University Srimanta Sankaradeva University of Health Sciences & ANM&HVC Approved by UGC, BCI, PCI, AICTE, INC & Govt. of Assam		
NEF College Saukuchi, Lokhra, Guwahati-40	B.A. (Psychology, Sociology, Education, Pol. Science, English, Economics) B.Com. M.A. (Sociology) BBA, BSW MBA, MSW Tel : 96 1313 4422 940 111 6666 www.nefcollege.com	
NEF Law College Christianbasti, Guwahati-5	B.A. LL.B. (Hons) B.B.A. LL.B. (Hons) B.Com. LL.B. (Hons) LL.B. (Hons), LL.M. Tel : 940 111 8888 www.nefcollege.org	
NEF College of Pharmacy Saukuchi, Lokhra, Guwahati-40	D.Pharm. B.Pharm. B. Pharm. (Lateral Entry) Tel : 9435 666 999 www.nefcop.org	
NEF College of Pharma. Education & Research Jail Road, Kolongpar, Nagaon-782001	D.Pharm. B.Pharm. B. Pharm. (Lateral Entry) Tel : 98646 49699 www.nefcper.org	
NEF College of Health Sciences Saukuchi, Lokhra, Guwahati-40	BPT, DMLT, B.Sc. (MLT) BPT / B.Sc. (MLT) (Lateral) Tel : 94011 74466 www.nefcohhs.org	
NEF Institute of Nursing Saukuchi, Lokhra, Guwahati-40	GNM (Three Year Course) Tel : 94017 15511 www.nefnursing.org	
Iqra Academy of Nursing Jail Road, Kolongpar, Nagaon-782001	GNM (Three Year Course) Tel : 94017 17711 www.iqrannursing.org	
Admission into all the above courses shall be made as per regulations of concerned University & Govt. of Assam		
Guwahati Campus : Lokhra Lalganesh Road, Saukuchi, Guwahati - 40 Law Campus : NEF Law College, Christianbasti, Guwahati-5 Nagaon Campus : Jail Road, Kolongpar, Nagaon-782001, Assam		

सुजुगिरिनि खोलोम

बिफां-लाइफां, फिथाइ-सामथायनि

फुलिजोंबो थांनानै थानायनि लामा मोनो

थांनानै थानायनि थाखाय गोबां लामा दइहोन्नानै

बुंनाय जायो। आबादनिफ्राय लानानै बाइदिसिना खामानि-दामानिफोरनि गेजेरजोंबो थांनानै थानायनि लामा दिहुन्नो हायो। आबाद होनोब्ला जोंनि मानसिफ्रा दैज्ळानि माइ आबाद, मेसेंनि मैगं-थाइगं, सबाय-सिबिं-बेसर बाइदिसिना आबादफोरखौनो हमनानै लानाय जायो। नाथाय बेनि अनगायेंबोदि-ना फिसिनाय, दाव-हांसो, बोरमा-अमा फिसिनाय, मैगं-थाइगंजों लोगोसे बाइदिसिना बिफां फुलि जावयैनाय, नारें लेबु, थाइजौ, लिचु बाइदिसिना फिथाइ-सामथायनि फुलि खालामनानै, गायनानै फिथाइ-सामथाय दिहुन्नानै थांनानै थानो, नख'र सामलायनो खामानि-दामानि गैयें सुबुंफोरनो सरकारनि बिथिनिफ्राय मदत होनायनि राहा दइ। नाथाय बेफोर राहाखौ साबेसे बेकारफ्रा मोनफुंनो हादों आरो साबेसेया बेफोरबादि स्कीमनि गेजेरजों थांनानै थानायनि लामा दिहुन्नो हादों होन्नानै सोंनायनिबो जाहोन गैया नइ दइ। अदेबानि बेनि मोन्दांथिखौ जायफोरा मावनानै जाबोदों बिसोरसो बेनि फिन्नायखौ गेबेडै होनो हागोन।

आधिकाल हाथाय-बाजाराव बोथोर नायै बोथोरनि मैगं-थाइगं-फान्थाव, टमेट, कफि, फानलु बाइदिसिना मैगंनि फुलि जावयैनानै फान्नाय बादिनो- थाइजौ, नालेंखर, गय, नारें लेबु, लिचु, जाम्बुजों लोगोसे बाइदिसिना रोखोमनि बाथाम-तकथा हाखाव जाग्रा बिफां-लाइफांनि फुलि जावयैनानै बोसोर नाडै फान्नो हानायनि राहाबो लानो हासै। मानोना आधिकाल गोगो आरो सुदेम बारहावया मोनफुंनो हानाय बादियै आलांगा फोथारनिफ्राय लानानै लामा-सामा, न' उसुं, बारि-बागान जेरावबो बिफां मायनानै सोमखै खालामनो लादों बे बिथिडै फुलिनि चाहिदाया गोबां बांबोनो हमदों।

मैगं-थाइगंनि आबाद मावनानै मुलाम्फा जानाय बादिनो मैगं-थाइगंनि फुलि जावयैनानै फान्नायावबो मुलाम्फा दं। आधिकाल न'नि बारि-बागानाव बाइदिसिना रोखोमनि मैगं-थाइगं फोनानै मावनानै जानाय-फान्नायफोर बादि खालामनो हायाब्लाबो नख'राव जानाय सोलिनो आन्था रोखोम-रोखोम एफा-एफा मैगं-थाइगं गायनानै मावनानै जानायबो दंसै। दाव-हांसो, बोरमा-अमा, नाफोरनि बाश्राया आलादा। न'याव जानो आरो माफा-मानै फान्नो हानायनि थांखिजों गामियारि नख'राव दाव-अमा, बोरमा, हांसोफोरखौ फिसिनाय जाखायो। नाथाय फार्म महरै फिसिनानै रंखान्थियारि बिथाखौ खोमथा खालामनो हानायनि राहाखौबो लानो रोंनांगोन। गुबैयै आधिकालाव दावदैनि चाहिदाखौ नायनानै दावदै दिहुन्नायनायनि फार्मबो गायसन्नो गोनांथि दं।

दिनैनि फान्जामुथि

राशि बाइदियै मुंनि गिबि हांखो

मेघ : अ ल बृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ट (ण ष) तुला : त र बृश्चिक : ब न धनु : ध भ (ढ़ फ) मकर : ख ज कुम्भ : ग श (स) मीन : द च (ख ज झ)

मेघ:

दिनैनि दिनआव गोबां रंखावरि खहा जानो हागौ। गोसोखौ हमथा।

बृष:

देहानि थासारिआ मोजाडै थानाय नइ। देहाखौ लानानै सांग्रा जानांगोन।

मिथुन:

गावखौ जोंगा-मोगा खालामनानै लानो हागोन। गोजोन्नायखौ मोन्नो हागोन।

कर्कट:

जेखि बादाय़ा देरहासारनायखौ मोन्नो हागोन। बे राशिनि थाखाय मोजां सान।

सिंह:

जेखियानो जाया गोथार खामानि मावनानै लानो हागोन। सान्नायफोर जाफुंगोन।

कन्या:

सोरजोंबाफोर निन्दा होजानाय, सोंखारि जानाय जानो हागौ। गोसोखौ हमथा।

तुला:

नख'रनि फासैं जेबो उदिस लायै गोसोनि जानो हागौ। नख'रआ जौगानाय नइ।

बृश्चिक:

बायदिसिना रोखोमनि हेंथा फैनो हागौ। जैरेबो सांग्रा जानानै थानांगोन।

धनु:

जेखि खामानि मावा जौगानायखौ मोन्नो हागोन। गोसोखौ गोजोन मोनगोन। मोजां सान।

मकर:

जेखियानो मावा मुलाम्फा आरजिनानै लानो हागोन। दिनैनि सानआ मोजां।

कुम्भ:

फालांगिरि मावग्रानि थाखाय गाहाम सान। मुलाम्फा मोन्नो हागोन।

मीन:

नख'रनि गोथार खामानि मावनो गोनां दइब्ला मावनो हागोन। सान्नाया जाफुंगोन।

इउएस गुबुन हादरयारि मन्थिआ जयशंकर आरो शाहबाज शरिफजों फनआव सावरायदों

गोदान दिल्ली, 1 मे: पेहेलगाम उतखारि गाग्लोबनायनि उनाव आमेरिकाआ भारत आरो पाकिस्ताननि गेजेराव जेंनाखौ बाडाइ खालामनो नाजानायाव नांथाबदों। बेखौ नोजोर होनाने आमेरिकानि गुबुन हादरयारि मन्थि मार्क रुबियआ थांनाय बुधबारखालि पाकिस्ताननि गाहाइ मन्थि शाहबाज शरिफ आरो भारतनि गुबुन हादरयारि मन्थि शाहबाज शरिफ आरो भारतनि गुबुन हादरयारि मन्थि एस जयशंकरजों फनआव सावरायो। आमेरिकानि गुबुन हादरयारि मन्थिआ भारत आरो पाकिस्तान दरनैबो हादरखौ दावरावखौ बाडाइ खालामनो



खावलायदों। शाहबाज आरो जयशंकरजों आलादा-आलादायै सावरायनायनि उनाव आमेरिकानि गुबुन हादरयारि बिफानआ बिबुंथि फोसावो।

बेयाव बुंनाय जायोदि, आमेरिकाआ उतखारिफोरजों जुजिनायाव भारतखौ मदद खालामो आरो पाकिस्तानखौ पेहेलगाम गाग्लोबनायखौ

नायबिजिस्नायाव हेफाजाब होनो खावलायो। बेराफासैं इस्लामाबादआव पाकिस्ताननि गाहाइ मन्थि मावख'आ फोरमायोदि, गाहाइ मन्थिआ आमेरिकानि गुबुन हादरयारि

मन्थि इरफान आन्सारिआ आर आइ एम एस बिथोनगिरिनो बोसोन होदों



रान्सि, 1 मे: रिम्स शासि परिषदनि आफादगिरि आरो लोगो देहा मन्थि ऊ इरफान आन्सारिआ हाइ कर्टनि बिथोननि सायाव रिम्सनि बिथोनगिरि मासिआव बिबान सामलायफिन्नाय डो राजकुमारनि सायाव माखासे दाय जाबसिन्नानै गावसोरनि सिमनायाव थानो बोसोन होयो। बिथाड खौरंगिरि मेल खुंनानै ऊ राजकुमारआ सुपार पावार जाबाय होन्ना बुडो। बियो बेंखननि बाइजोआव थांनानै

हाबा मावगासिनो दइ। जाय थांखिखौ रिम्स शासि परिषदआ लानांगौमोन, बेखौ बियो गावसोर हारसिडै लागासिनो दइ। बिथोनगिरिआ रिम्स आरो देहा बिफानखौ रेजें खालामनायनि हाबा मावगासिनो दइ। बिथाडा नेतागिरिल' खालामनोब्ला इउपिआव थांनानै खालामहैनो हागोन, बिसायख'थि गेलोन हागोन। नाथाय देहा बिफानखौ राजखान्थिनि गाथोन खालामनो नाइ। थाबैनो रिम्स शासि

परिषदनि जथुम्मायाव गोनांथि थांखि लानाय जागोन होन्ना मन्थिआ बुडो। रिम्सआ नेमखान्थिजों सोलियो आरो जों मोजां हाबा मावगासिनो दइ। बेबादिआव गात्रियै खुंनायखौ जायखि-जाया थासारियावनो सहायनानै थानाय जानाय नइ। बिसोर कर्टनि आइनखौ आबुडै मान होयो होन्ना बिथाडा बुडो। बिथाडा बुंवावोदि, बिफानआव जाय बिबानगिरिआ फैयो बेनो मोजां हाबा मावना सरकारनि सावगारिखौ लाखिनायनि हाबा माव। बिथोनगिरिआ खौरां मोनाखै, बेनिखायनो बियो कर्टनि बिथोनखौ नेवसिगागासिनो दइ। रिम्सआ एक्टरफोरनि प्रमसननि केसखौ हल्ड खालामदों। गासैं फाहामगिरिफोरनो नेमखान्थि बादियै गोजोन होनाय जागोन होन्ना मन्थिआ बुडो।

सुप्रिम कर्टआ मन्थि नितिन गाडकाइखौ रेहाय फोसावबाय



गोदान दिल्ली, 1 मे: सुप्रिम कर्टआ बुधबारखालि मिरु मन्थि नितिन गाडकाडिनि नागपुरनिफ्राय 2019 नि बिसायख'थिखौ सेलेन्स होनाय अजदलाइआव बिथानि सायाव जाबसिन्नाय दायफोरखौ नेवसिनाय बम्बे हाइ कर्टआ लानाय थांखिखौनो लाखियो। बिजितगिरि सुर्यकान्त आरो जास्टिस एन कटिश्वर सिंनि बेन्सआ कंग्रेसनि बिजाथि नाना फल्गुनराव पटले आरो नागपुर बियाबनि भटार नफिस खाननि अजदलाइखौ नेवसियो, जेराव हाइ कर्टनि नागपुर बेन्सनि 25 फेब्रुवारि, 2021 नि बिथोनखौ सेलेन्स खालामदोंमोन। सुप्रिम कर्टआ बुडोदि, गाडकाडिआ 2024 नि जेनेरेल इलेक्सनआ फिन देहादों आरो बुडोदि, हाइ कर्टआव जाथावनाय थांखिआ थिमोन। हाइ कर्टनि बिथोनआव आखाइ होनायनि जेबो रेखा जहोन नुनो मोनाखै। हाइ कर्टआ गावनि बिथोनआव बिसायख'थि आर'जलाइफोरखौ नेवसिनो हाया होन्नानै बुडो। नाथाय नख'रनि सोद्रोमाफोरनि आय आरो बिसोरनि निजा हानि सोमोन्दोआव बेयाव बुंथिनाय माखासे बाश्राफोरखौ नेवसिदोंमोन। हाइ कर्टनि बिथोनखौ नाफिस खान आरो नाना पटलेआ सुप्रिम कर्टआव थांदोंमोन।

पाकिस्तानआ

गोदान दिल्ली, 1 मे: पाकिस्ताननि सान्थिआ 30 एप्रिलनि हरनिफ्राय 1 मेनि फुंनि गेजेराव जम्मु-काश्मीर मिरुजों खुंजानाय राइज्योआव एलअसि बारनायनिफ्राय फिसा हाथियारफोरजों फाइरि खालामो। बे फाइरिखौ कुपवाड़ा, उरि आरो अखनुर सेक्टरफोराव खालामनाय जादों, जाय जेब्लाबो जेंनानि मिरु जानानै थायो। भारतयारि सान्थिआ बे नायबिजिस्नायनि फिन्नाय होदों। सान्थिआ बिबुंथिआव बुंदोंदि, पाकिस्ताननि फासैंनिफ्राय गुलि गावनायाव जौंनि सान्थिफोराबो सुथुरफोरनो फिन्नाय होदों। पाकिस्तान सान्थिआ 29 एप्रिल आरो

दिल्ली-इउपिजों लोगोसे माखासे राइज्योफोराव बारहुंखाजों लोगोसे अखा हानो हागौ

गोदान दिल्ली, 1 मे: हादरनाइ बोथोरआ गोखैयै सोलायगासिनो दइ। बेराफासैं जेराव हादरनि माखासे राइज्योफोराव गरम सोलिगासिनो दइ। गुबुन फासैं माखासे जायगाफोरान अखानि एलार्ट फोसावदों। आइएमडिआ बोथोरखौ लानानै लेटेस्ट आपडेट फोसावदों। बोथोर बिफानआ फोस्मायनाय बादिब्ला, दिनै एबा 1 मेआव दिल्ली-एनसिआर, बिहार, राजस्तान, मध्य प्रदेश, छतिसगड़, उत्तर प्रदेश आरो हरियाणा-पान्जाबआव जोमै सग्लोबनो हासिगौ। बे समाव बारहुंखाजों लोगोसे अखा आरो अखा खोरमोनो हागौ। इउपिनि बाश्रा बुडोब्ला इउपिआव फैगौ 5 सानसिमआव बिदुंनिफ्राय रेहाय मोनगोन। बोथोर बिफानआ 4 मेसिमआव राइज्योनि गुबुन गुबुन बाहागोफोराव बारहुंखा, सार-



अन्थाय आरो सरासन्सानिफ्राय गेजेर थाखौनि अखानि येल' एलार्ट फोसावदों। बिहार, राजस्तान, मध्य प्रदेश, छतिसगड़, उत्तर प्रदेश, दिल्लीजों लोगोसे माखासे राइज्योफोराव सानथामनि येल' एलार्ट फोसावो। बिफाननि बादिब्ला, दिनै दिल्लीआव मेक्सिमाम बिदुइ 37 डिग्री सेल्सियास आरो मिनिमाम

बिदुइ 26 डिग्री सेल्सियाससिम थाहैनो हागौ। लोगोसे दिल्लीआव 6 मेसिमआव अखा खोरमनायजों लोगोसे अखा हानायनि सन्देह फोरमायो। बे समाव मेक्सिमाम बिदुइ 36 निफ्राय 37 डिग्री सेल्सियासनि गेजेराव थानो हागौ। बेराफासैं मिनिमाम बिदुंखौ 25 निफ्राय 26

डिग्री सेल्सियासनि खाथियाव दैखानो मोन्नो हागौ। राजस्तानआव मोनसे गोदान सोनाबयारि नारसिन्थायनि गोहोमजों राइज्योनि माखासे बाहागोफोराव दिनैनिफ्राय बोथोरआ सोलायनो हागौ। बे समाव गोखै बारहुंखा आरो सरासन्सा अखा हानो हागौ। बेनि गोहोमजों बिदुइआव दावख्लायनो हागौ।

एलअसिआव फाइरि खालामदों



30 एप्रिलनि हरवबो नौशेर सुन्दरबनी आरो अखनुर सेक्टरआव गुलि गावदोंमोन। भारतयारि सान्थिनि बादिब्ला, थांनाय 29-30 एप्रिलनि हरव पाकिस्तानी सान्थिफोरनि आउट पस्टफोर जम्मु आरो काश्मीरनि मिरुजों खुंजानाय राइज्योआव नौशेर, सुन्दरबनी आरो अखनुर सेक्टरफोरनि सिगाडव एलअसि बारनायनिफ्राय फिसा हाथियाफोरखौ गुलि गावनो जागायो। भारतयारि सान्थिनि जवानफोर गोखोडै फिन्नाय होयो। मख'नो गोनांदि, पाकिस्तानी सान्थिआ एलअसिआव लान्थियै 7 थि सानआव सिजफ्रायखौ सिफायदों।

सुंद'सल' सुमिरन

: आधै बि जोंहानि लजिझाव थाफैनाय गुफुर गन्थं थेंफार, बिखा गुवार , आदै मद'द' नायनो मोजां, अन्थाव बाथाव दद्र' दद्र' थाग्रा सेंग्राया बबेनि। बिखौ आंनो नांगौ आयै, बाइ हुक अर बाइ क्कु क, जेरैखि जाया। बिखौ मोनाब्ला आं फासि नांना दैयाव, नडाब्ला रेल गारियाव बारसोमना थैगोन आं। बुंना मामि बि सेंग्राया बबेनि मा मुं प्लिज।

: बियो नोम्फानि बिब'नि फिसाज्लासो, नों बिखौ बिदासो जागोन असे। बिब्दि सनथाव सान्नो हामा आय, जों नोंखौ मोजां बिजामादै नायनानै दोलै नोगेरै हाबा खालामना हरगोन। नडाब्ला नयावनो गोरजिया लाखिना दोनगोन रानि बायदि। मानोना नोंनो जौनि थंनाय थैनायनि मोनसेल' राहा बिजों। नों एइस एस साइन्स पास खालामनानै डाक्टर फरायनांगोन, मेडिकेल अफिसार जानांगोन।जौनि जौंथि मिजिंखौ नों सुफुंनांगोन,मानोना नों जौनि न'खरनि वाथनाम स'ना फिथर जायह। अर बारहुं'खा लोगो मोनब्लाबो जेबो जाया।

: दानिफ्रायनो दिदोम गोसो, मोनसे थांखि लानानै फरायलां, नडाब्ला इयुनाव फस्थाय नांगोन नों फिसा।बि केयारफुल।मानोना फरायनानै मोजां मानसि जानो हायाब्ला दानि मुगायाव जेबो मुलाम्फा गैया। बे मुगाया कम्पिउटार, रकेट, इन्टारनेट मेदियानि बाहायलु मुगा। बे मुगाया सिलाय बारुद थैजों दुगैनायनि सम नड, बे मुगाया बादायनायनि मुगा। मेलेम, खोलोम बाहायनानै थांखियाव सौहैनायसो। बेसे जौनि थांखि जानांगौ।

: बेथ' बे मामि, हु इस हि? बियो सोर मा मुं? आंनो बिनि अन्नाय नांगौ। आयै आं बे सेंग्राखौ मोजां मोननायाव मानो हेंथा होयो। बेथ' आंनि असे बिमानि गोरबोयाव उजिनाय बिदा नडा ना, आफानि बिब'निसो फिसाज्ला।मिसरनि रानि क्लिउपेट्रायानोबा गावनि असे बिदा फं बाय मोनखौ हाबा खालामदोंमोन, दावहायाव सासे थैनायनि उनाव सासे जोलै फेदेरनो बेलाय मा आयै आरो गुलि। आंनि बादिब्ला गेदेर गेदेर फरायनाय साखि आवला, प्रफेसार डाक्टर नायनो मोजां सेंग्राखौ हायोब्ला न'नि एबा बाहागि खुरमानि आयजोआनो हाबा लाजोब नांगौ। सेंग्राफोराबो मानोथो मालायनि फिसाजोफोरखौ रानि खालामना सुखुयाव जाहो गारनो?

: आयै नों मिनथिया नामा: ए मेरिएज उइडाउट लाभ इस मिंनिलेस।बिके आरो आब' जनती खन्नाय नैबे मेथायखौ। मोजां मोन्नायनि फंसे राव, गोसो थोनायनि फंसे फाव फोरमायगौमोन आं स'ना। सानबाय थायो लोगो हमनो अराय समाव..... नोंनि आंनि जिउ राजा, नोंनो आंनि जिउ रानि॥

: बैथालि जानाडा, मेथायखौ खन्दों नों? नोम्फा खोना फैब्ला बिगुरसो जिगोन नों।हामगौ बिदा असेखौ बिब्दि

सान्नो? मानसिफोरा खोनाब्ला मा सानगोन।सि सि जौंनि फिसाया एसे नेहाद सान्नो हायो। नोम्फाया कलेजनि प्रफेसार आं हाइस्कुलनि मिसट्रेस, जौंनि मान इज्दखौ नों जाजोबसिगोन फिसा।

: ममी नों जिखि साना आंनो बि सेंग्राखौ नांगौ, आंनो रायलाय नांगौ। प्रमिज ममी, आं बि सेंग्राखौ मोनाब्ला थैगोन। बिमाखौ गोबाख्रबनानै गाबो, अन्थाव-बाथाव।बिमाया रगाजां बुजायब्लाबो मानियैनि सोबायो फंथामसो।

गाबनानै जिमिया गावनि बिसिनायाव ग्राम गोम्लैनानै गान्दुखौ गोबानानै रुखु रुखु गाबो।जायखौ बुडे सें'ग्रा सिख्लानि गोसो थोलायनाय। खान्थाल आथा बायदि बोखा जायै। जायजों नांभाथाय नांबाय रिफिदसै। सलेसन आथा बायदि।दिनैसिम १६ बोसोरनि ददेरे बैसोसिम बियो रावबो सेंग्रानि अन्नायाव बोदोर जायाखैमोन। कृष्टान मिसनआव फरायनानै दिनै मेट्रिकखौ बियो गिबि थाखोयाव उंथ्रिनानै कलेज फरायलायबाय। नाथाय हरखाब बियो बिहुं'खौ नुनाय लोगो लोगोनो बनि आजौलि गोसोया अन्नाय साफिबाय, लाभ ग्रज जाबाय। जायखौ बुडे लाभ इन फास्व साइड।बिनो गासै गोसोखौ होफ्लांबाय। बे गोसोखौ सोरनोबा होफ्लांबा, बोरैबा गोरोब लायोब्ला बेखौ बोखांना लाफिन्नो गोब्राब जायो। बेयो सैथो दि जेरै औवा मेवाइआ गुदुं थाया, सेंग्रा सिख्लाजों जेबो सोमेन्दोनि गद गैया। सेंग्रा सिख्ला खांथि खांथि थालायबाय थायोब्ला, अन्त्लायोब्ला सोमोन्दोखौ बावनानै, बावगारनानै गोसो होफ्लांलायो।बिब्दिनो बाहागि खुरमा, आंगोथिजों जुलि जानाय गोबां बिदिन्थि दड।जिमियाबो गावनि गोसोखौ आंगो बिफा फोलेरारी बिदानोनो अन्नाय होफ्लांबाय, होबाय। गोसो मोदोम गासैबो खोथाखौ बिमाया बिफानो खिन्था जोबबाय बे सप्ताहसोनि गेजेराव फिसाजो जिमिया न'आव फैनानै मा जाफैखो? अब्लाबो बिफाया सेरियास सानाखिसै। खालि बुंबायल'-

: फरायफुनाय गथ' सानैबो। बेनिखायनो बाराद्राय फिसाफोरखौ खष्ट' एबा दुखु होनाया मोजां जानाय नडा बिमा। उनाव माबा मोनसे खालाम जागोन। दानि लिभिं प्टेन्डार जुगाव बेफोरखौ लानानै बांद्राय खर' सानाया मोजां नड। देनां बुजिब्ला गावनो लाजिगोन, गारगोन। सेंग्रा सिख्ला समाव, बिब्दि बैसोयाव गोसो थोनाय बेरामा साफि खायो। बेयो बैसोनि दोहोरोमखा। लासै लासै बुजाय जागोन। हावरिया खावरिया उन्दैनिफ्राय सिबाय िब म। बिफानि अन्नाय मोनाखिसै, जोंनो फरायहोनानै मानसि खालामबाय। दिनै बि ए फाइनालनि देवना मोनबाय। एसेबां बोसोर बय हस्टेलाव दोन्नानै फरायहोबाय, बिब्दि गथ'आ जाफेराखैमोन। दिनै फिसा जिमिया बिब्दिस्ो सान्न्वाय। बाराद्राय अन्नायानो दिनै जोंखौ खैफोराव

खोख्लैबाय।

: नोंनो मालायनि फिसाखौ कलेज हस्टेलाव दोन्नानै दाव दाव अन्नानै रां खरसा खालामबाय।आयै बेफोर रांखौ एल आइ सि बैंकआव दोनोब्ला मारुति भेन गंसे मोनगु लायना बारसिगौ। खाफालानो गात्रि जोंना बि ए एम ए पास जाना साख्रि मोनब्ला नायफिनगोन नोंनि नोम्ब'नि फिसाया? मानसिखौ एसेबां अन्जाया, बाराद्राय अनोब्ला लाय मोनो, फाफिलायव गाखोयो। सैमाब्ला आरो। खरसा जानाय रांखौ मोनफिनाब्ला आं गारनायाव गैया, थैब्लाबो।

: नोंसोर हि नजावफोरनि फिसा खोथाखौनो सेरियास सानो। अनलायना थानो, जानो रोडोब्ला जेबो जाया। हास्थायनाय मानियानो फिथाय थायो। नायबायल' था जिमिया फिसा बिहुडा एम ए फास्ट क्लास खालामना सासे आयदियेल प्रफेसार जागोन। आरो आंनि फिसाजोआ जागोन एम बि बि एस डाक्टर मेडिकेल अफिसार। हे-हे-हे,मिनियो।

: बेनिफ्राय बि-बिहुं जैलाजोंनो जुलि होदो। ग्रें-ग्रें राइजो जाथोंसै। बिफा जेरै फिसाजो जाथोंसै। आंनि लाब्ला फिसाया जा मोजां गुनि जागौमोन। हाय खाफाल गासैबो नोंनो।

: सोरनि लाब्ला मोजां जागौमोन होन्दें। बिसिया खेबजुं जायो। एदावसिनो : दालाय नोंनि आंनि मोन्ने सोरजों हायना नांना जिमिया जायाखै? सोरनिथो जाखो? रागा जोंना बिसिया ब्त्तद थाडो।

बोथोरा थाडो खोन्दो खोन्दो। बैसोया थाडो आन्दो आन्दो।घरिनि खारथाया गिदिडो थिक थिक। घन्टा, सेकेण्ड, मिनिट दायो दान अखाफोर, बोसोर मुगा। बिहुडा उन्दै बैसोयावनो एम ए फास्ट क्लास फाष्ट फजिसन लाना राजखान्थि बिज्ञानाव उंथ्रिबाय। बयबो खुसि हस्टेलाव गोबां बमा गावबाय। सारा आसाम नर्ट इष्ट मोनथि जोबबाय। अखा नायै आसाम

राजानि मोदै

मानो गाबदों नों राजा? दागाब नों राजा। गुबुना बुडेब्ला राजा गन्थं खान्दा नाथाय आं बुंगोन आंनि जिउनि राजा। सुबुंआ बुडेब्ला हांगार बायदि गोसोम अब्ला बुंगोन मोदान्नाय सना फिथर गुबुना सानोब्ला हायथा-था जोगोनाथ बायदि थुफ्राफ्रा नाथाय आं सानगोन दाथ जांगिला खोमथा बर' सेंग्रा सुबुंआ बुडेब्ला राजा दाखुरा अब्ला आं बुंगोन राजा समायना मोदान खानाय आइया बुडेब्ला मुगै सुगै सुबुंजों नेवसि जानाय सेंग्रा अब्ला आं बुंगोन इसोरनि फिसाज्ला बेसे समायना। आफाया बुडेब्ला राजा अलसिया नांगोन रसा अब्ला आं बुंगोन बेसे मावथि। आंनो लाखिखा। आदाया बुडेब्ला नंखाय बाखाय अंख रोडै सेंग्रा सार आयजाक बायदि गोरों सेंग्राखा। आब 'या बुडेब्ला सुबुं बुथारपा दावहारु राजा अब्ला बुंगोन बिमानि हादतखौ खांग्रा राइज्योनि राजाखा। आय' आफा सुबुड मिनियोब्ला नों आं सानैजों रंजागोन दागाबसै नों राजा।

बिरखां मुसाहारी

ला:सो:-- नायकगाव

गामि- मावरियागाव

ट्रि बुन, सेन्टि नेल, उगुदुद,प्रतिदिन बड'सा, आगदारि उइट फट' फोसाव जाबाय।

खौरांखौ मोन्नानै जिमि बिफा बिरदावआ बिहुं'खौ गोबाख्रबनानै हाजासे खुदुमबाय। बाख्यायबाय झोद बिमानैया गुस्थि फेनबाय। बिमानैनि मुदखौ बोरैबा नुबाय बियो। थेवबो बिमानैखौ खुलुमबाय। बेनिफ्राय गाव थाग्रा लजिझाव थाहै बाय। मानोना बिमानैया गावखौ न' गुबैयाव गावखौ गुलि गुलि थानायखौ, खालामनायखौ मोजां मोना। साबजाया। मालायनि फिसाखौ लाबोना एसेबां फोरेंनानै मा मुलाम्फा जानो, जाखो?.....बायदि बायदि लानानै नांलायनायखौ बियो खोनाबाय। थेवबो बियो जेबो साना, बिमानैखौ गात्रि मोना। एसेबो मानोना बनि थाखाय बिसोरो मोदाय मोदायजोनि समान ईसोर। हजों जिमिया लेंहराब्लाबो न'आव फैबाय। थोंजों बिमानाव बिहुं'खौ सोंबाय, नागिरबाय। हाखु-दाखु। बिमाया जोंबाय। थेवबो मानिया। गान्नाया बनि जिन्स लंपेन सार्थ। बिखाया बेरगावहां बेरगावहां सारटिं गेनजि, गंब्ला बिखाया.....। सेंग्राफोरा बिखा जिंयिद मोनो। रमान्स जायो।बेगखौ फिनज्राब बिसिनायाव गारहरनानै ट्रेंसिं मिर'आव नायनानै-बिहुं आइ लाभ इड। सब आयनायाव फाव खालामनानै लजिं फारसे थाबाय लाडो। अब्ला बियो गारदेनाव मिनि मिनि सानै सेंग्रा आरो साब्रैसो सिख्लाफोरनो अत'ग्राफ लिरनानै होगासिनो दड्ढमोन। जिमिया गावबो जाबथोसे गोजा गलाब बिबार होनानै बिहुं'खौ लं फ्रान्स किस होन्नानै बेरलाव गोबाख्रबनानै खुदुमबाय फाग्लि बायदि। बिहु डा एमब्राब्लाबो नागाराखिसै। बिहुडा आख' फाख'आव गोम्लैबाय। सानै सेंग्रा आरो सिख्लाफोरा लाजिना आसुसु मोन्ना दोरोद लांबाय। बिहु डा रमान्स फै खाडो। अब्लाबो गोसोखौ दबथायना सामलायना बुंबाय बियो-

:हामाना जिमिस नों मानो (६ बिलाइआव)

रंजालि गथ'फोरनि सौरा

दुखु हांमा

(१)
मोनाबिलि खोमसियाव
मेंगिलनाय दाउफोरा.....
बिरै-बिरै फैनानै,
जाबाय हनै लामा मोनै.....
गावनि बासाखौ,
मोनैनि दुखुयाव.....
मेगननि मोदैजों,
हनै.... गोदाव सोराव जालांबाय।
(२)
गोजाननि..... हाजो नों.....
नुहरो, मोजां जों.....
खाथियाव थंनानै,
नुबाय जों.... अन्थाय गोजा,.....
बिफांनि गेजेराव,.....
अन्थायफ्रा, हारां-हाथों.....
माबादि जिराद जाखो,
हनै..... गिथाव-बाथाव जाथारबाय।
(३)
जुगनि हेर-फेराव.....
मेंगिलनाय सुबुडबो.....
फैयै फैयै सौफेनानै,
आन्दाय फैबाय,लामा ससेयाव.....
गावनि न'खरखौ....
सिनायनो हायैलाय.....
जाम्बा जानानै,
हनै.... फैनो रोडखिसै दानियालाय।
(४)
मा- खालामबावनो
सानबाबो हालिया.....
गथ'फोरा गासिबो.....
गोजाव लांजोबबाय,
बिमानि दुखुआ.....
मोदैजों रथ' रथ'.....
मिथिंगाजों मिसिनानै,
हनै..... सानजों लोगोसे खोमसिलांबाय।

निजरा ब्रह्म
गामि- खोला खारगाव
जिल्ला-कक्राझार बि, टि, सि(आसाम)

नोंनि सेराव

हाथरखि अलंबार जोंना थायो
आंबो नोंजों अरायबो हास्थायो
नोंजों थानो।
हास्थायो नोंखौ मोन्नो अराय सम
नोंखौ मोननो।
नाथाय नों सोरखौबासो हास्थायो
दा अरायनि थाखाय।
बेखौ सान्नानैनो आं
जानो लोंनो सुख गैला
स'ना।
माबोला नों आंखौ बुंनालागोन
अरायनि थाखाय।
नेनानै दं आं
नोंनि अन्नायखौ हास्थायो
आं
नोंनि थाखायनो बोदोर
जाबाय आं
अरायबो जाखांफैबाय
थायो नोंनि महर
अरायबो नोंनि सेराव
थानो हास्थायो
आं सना

मिस रनजिला बर' कक्राझार

लैथोनि रुगुंसिम

सिगांनाय आं बै लैथोनि रुगुंसिम,
हागोनदा आं मोननो बै गोसोनि हाबिलाखौ
लैथोनि फैलासेमखौ सौंसि लांनानैब्लाबो
नाजागोन आं मोननो बै लैथोनि रुगुंखौ।
सेर फाख्याय-फाखाय
थैन आबिरजों गेलेनाय बायदि
सारअन्थाय, अखा, बारहुं'खाखौ नेवसिनानैब्लाबो
आंनि जिउआ जोबनानै थांब्लाबो
नाजागोन आं मोननो बै लैथोनि रुगुंखौ।
थिवरिया हान्जानि हर्खाब बेरफुहोनाय
बमानि अरजों खामग्लि होनानै हांगार जाहोनाया
लांदां बिखाखौ दोहो-दोहो खामग्लि होनानै,
दाहा होलांनायनि थाखाय
बिसोरनि फारसे खिथेल होखार फिननो
नाजागोन आं मोननो बै लैथोनि रुगुंखौ।

श्री दैथुन बसुमतारी

जोहोलावफोर

उजिदोंमोन जोहोलावफोर
बर' हारियाव सान्थ हायै,
दैमालु जोहोलाव, सोमदोन जोहोलाव
आरो गुबुन गुबुन जोहोलावफोर।
उजिदोंमोन नोंसोर जेब्ला
जोहोलाव महर लानानै,
फोसाबलांनो सान्दोंमोन बर' हारिखौ
दावगाहोनो सान्दोंमोन।
उन्दुना थानाय बर हारिखौ
नाथाय थैनांबाय नोंसोर अबथिरा बैसोयाव।
सोरबाबा दावहा थिलियाव,
सोरबाबा सोरनियाबा फान्दायनायाव
बर' हारिनि सुथुरखौ फोजोबनो नाजानायाव,
बर' हारिखौ फोजाखांनो नाजानायाव।
रागा दाजोंसै बर' हारिखौ
साव दाहोलांसै बर' हारिखौ,
नोंसोरखो जों मिजिं थियो सोरगोयाव
आलो -आलो जिरायना थानो मोनो।
आरो नोंसोर बादि इयुनाव,
बर' हारियाव जोहोलाव उजि फिनो
बेखौनो बोर सारप्ति हरो आं आसा खालामो।

अन्सुला बसुमतारी
आफ्लागाव

नेवसिनानै दाथां अनजालि

नै अनजालि आंनि जिउनि
नेवसिनानै दाथां नों आंखो
मुगैनानै दाथां सना.....।
अन्नायखौ नाजाव आंनि गोसोनि
गोसो गोर्बोंआ खामो रोमो-रोमो
नोंनि गोसोनि अन्नाय मोनैयाव।
हास्थायो आं नोंखौनो मोन्नो,
नोंनोथ' आंखो बुंदोंमोन
गोसो गोर्बोंजों अन्नाय होनानै
बेनोथ' नोंनि थार जारिमिन।
नोंनि हायना महारावनो.....
आंनि गोसोआ जेबो उदायला
सिमांखौ लानानै बेसे गोबाव
थंनानै थानो हाबावनो
अन्नायखौ नाजाव स'ना
आंनि गोसो गोर्बोनि।

उराय ब्रह्म
गामि- सन्दपारा कक्राझार।

गिबि सिमां

बैसागु दमासि हाबा खेराइ
बायदि फोर्बोंखो
दे रंजानि फै खुलुमनि
दे मोसानि
फै फालिनि
दे फोरमायनि फै सिनायथिनि
गिबि बार
गुबै लामाखौ।
बेनिखुइ साबसिन
बाथौ गुदियाव
आर'ज गाबदों दांदुला
हनै सोरांसि सोरांसि
गारांया हब्रा-हब्रा रंजाफानो
अखोरां सानि गिबि
सिमांनि अनजालियासो दाबोनो
सौंफैआखिसै।
सान गोरलैया
सिरिमोनबाइ
दुब्रि हाग्रानि बिदैया
रानत्रिंबाय
थुमआ सोरांसि
गेवलांबाय
बिबार गाब बायदि
बिरंफोरा रोजोब बारबाय।
सायनासालियाव थुबुर जाबाय
बे हारिया
आसि थायसेनिखुइ थायनै एरबाय
गेवलां बाबेनहां जरासे
बेसेबा जाब-जुब
बन्दक नड
बाग्रिया थुबुर
हगासार
बोहैथि समाव
युब-युब।
खोमसिआव नड
सोरांआवसो
बै जुगाव नड
नै बे जुगावसो
रंजादे मोसादे
हालो-दैलो।

फुंजा बर' गामि- मियानीपुर
ला:सो:-झाहारबारि
जिला- कक्राझार,बि टि सि आसाम।

आसाम पुलिसआ डिब्रुगड़आव सा ४ फेग्रा बेसादफोरनि रमगलारफोरखौ हमदों

डिब्रुगड़, १ मे: आसाम पुलिसआ मंगलबारखालि डिब्रुगड़आव सालायनाय मोनने आलादा-आलादा अपारेसननि गेजेरजों सा ४ सन्देह खालामथाव ड्राग्स पेडलारफोरखौ हमदों आरो ३४.५९ ग्राम हेरइन जब्द खालामदों होन्नानै सासे बिबानगिरिआ बुधबारखालि रोखा खालामदों। पुलिसआ ड्राग्स पेडलारफोरखौ एनडिपिएस नेमखान्थिनि गेजेरजों हमदों, जायखौ पुर्निमा बिश्वास (५३), अभिजित बिश्वास(२५), सुजाता



राय/साहिल(३०) आरो इन्जा सिनायथिनाय जादों। हुसेइन/निकु (२८) मुडै अफिसिएल सुलुंनि बादिब्ला,

डिब्रुगड़ पुलिसआ मंगलबारखालि आशाम डिब्रुगड़नि सिडाव थानाय

कालिबारि आरो रेलवे कलनी ओन्सोलाव मोनसे मख 'जाथाव अपारेसन सालायनाय जादोंमोन, बेयावनो दायनिगिरिफोरखौ हमनो हायो। बे अपारेसननि गेजेरजों पुलिसआ पुर्निमा बिस्वासनि थाग्रा न 'निक्राय गं ६ मबाइल हेन्डसेट, हिरइननि गं ७१ बथलफोर बोखानो हायो। बिबानगिरिफोरा बुंदोंदि, जों ड्राग्स फालांगिनि हेंथायै मोनसे गिदिर अपारेसन जागायदों आरो दासिमआव पुलिसआ माखासे ड्राग्स स्मगलारफोरखौ फेग्रा बेसादफोरजों लोगोसे हमदों।

आजमेरनि गंसे हटेलआव गिखंथाव अर खामनायजों सा ४ सुबुफोरनि जिउ गोमादों



जयपुर, १ मे: राजस्ताननि आजमेरनि सिडाव थानाय डिगि बाजार ओन्सोलाव बृहस्पतिबारखालि गंसे हटेलआव अर खामनायजों सा ४ सुबुंफोरनि जिउ गोमायो। बिबानगिरिफोरा मिथिहोदोंदि, बा थाला गोजौ हटेलआव थानाय माखासे आलासिफोरा खिरखिफोरजों बाजुमनानै गावसिनि जिउखौ रैखा खालामदों। जेएलएन मेडिकेल

कलेजनि प्रिन्सिपाल डू अनिल समारियाआ मिथिहोदोंदि, दिनै फुंनि समाव डिगि बाजार ओन्सोलाव गं हटेलआव अर खामनाय जाथाय सोमजिदों। हां लानो हायै जानानै आरो खामनायजों सानै हौवाफोर, सासे आइजो आरो सासे गथ 'जों लोगोसे साब्रै सुबुंफोरनि जिउ गोमायो। एडिसनेल एसपि हिमांशु जांगिडुआ मिथि होदोंदि, हटेलसिम सौहैनो

थाखाय लामा फिसा जानायनि जाहोनाव रैखाथि हाबाफारिआव जे'ना सोमजिदों। अर खामनायनि जाहोनखौ शर्त सार्किट जानाय होन्नानै मिथिहोदों। हटेलआव थानाय सासे आलासिआ मिथिहोदोंदि, गोमनाय सोदोब खोनादोंमोन जायनि उनाव बियो गावनि बिसिजों लोगोसे बाइजोआव खारन्दों। हटेलआव थानाय मंगिला कलसियाआ मिथिहोदोंदि, सासे आइजोआ खिरखिनिक्राय गावनि गथ 'खौ आनि आखाइआव गारहरदों। बियो बिल्डिनिफ्राय बाजुमनोबो नाजादोंमोन, नाथाय जों बिखौ होबथादों। बिथाडा मिथिहोदोंदि, सासे सुबुडाबो खिरखिनिक्राय बाजुमदों आरो बिनि खर'आव दुखु मोन्दों।



गरखपुर, १ मे: गरखपुर शहराव थानाय बृहस्पतिबार फुडव बोथोरा हरखाबै सोलायनानै अखा खोरोमनायजों लोगोसे गासै १५ मिनिटसिम गोबां सार-अन्थाइ गोमलैयो। बे बरफनि थुखाया ओरैबादि गिदिस्मोन, जायखै सुबुंफोरा गिनानै रैखाथि गोनां जायगा फासै खारनो हमो। फुनि ९:३० रिगानि खाथियाव जागायनाय सार-अन्थाइ गोमलैनायाव १०० ग्रामनिखुइ बांसिन लिस्थाइनि बरफ गोमलैयो, जायजों गारिफोरनि ग्लासआ बायो। बे हरखाबै गोमलैनाय सार-अन्थाइजों लामाफोराव बरफआ जमा जायो। बे बरफ गोमलैनाय लोगो-लोगो सुबुंफोरा गावजों लोगोसे गावबा-गावनि गारिफोरखौ रैखाथि होनो नाजायो। माखासे जायगाफोराव गलादारफोरा गलायाव थाखोमायो। सार-अन्थाइ गोमलैनाया थाबथानायनि उनाव गोखोडै अखा हानाया जागायो जायजों जिउ खानायाव आबुडै गोहोम गोमलैयो। जायगानि थागिबिफोरा थानाय माखासे बोसोरनि गेजेराव बेबादि गोबां बरफ गोमलैनायखौ नुफेराखै होन्ना बुडो।

मेघालय हाइ कर्टआ शिलं उरां जाहाज गाथोनखौ थाबैनो फुवारनो बिथोन होदों

शिलं, १ मे: मेघालय हाइ कर्टआ राइज्यो सरकार आरो मिरुवारि बिबानगिरिफोरखौ शिलं उरां जाहाज गाथोननि गोलाव समनिफ्राय थाबथानानै थानाय फुवारनाय हाबाफारिखौ गोखों खालामनो बिथोन होयो, जाहाथे गिदिर उरां जाहाजफोरखौ थाबैनो सालायनो हायो। मोनसे सुबुं जौगाखां आर'जलाइ (पिआइएल) नि हियारिनि समाव गाहाइ बिजिरगिरि आइपि मुखार्जौ आरो बिजिरगिरि डब्लिउ डिंडहनि सासे गेजेरारि पीठआ उरां जाहाज गाथोनखौ लान्थियै सालायनाय सिमनाफोरनि सायाव जिंगा सिनाय फोरमायो।



आथिखालाव फिसा उरां जाहाजफोरल'सालायनो हायो, जायजों बोथोरजों सोमोन्दो लाखिना बिस्नायखौ होबथानांगो जाया, जाय सुबुंफोरखौ

असुबिधा खालामो आरो दावबायनायाव हेंथा सोमजियो। लोगोसे बेजों इन्ज्योनि रंखान्थि राहानि सायावबो गाजियै गोहोम गोमलैयो।

बिजिरसालिआ राइज्यो सरकारखौ दैदेनग्रा गाहाइ बुंथिगिरि आरो एयारपर्ट अट'रिटि अफ इन्डिया आरो

डिजिसिएनि थाखाय नुजाथिनाय लेडाइ बोसोनगिरि गाहाइ बिथोनगिरिनिफ्राय गुवार थांखिफोरखौ नट खालामो। बे गासै थांखिफोरनि सायाव बिथा खालामनानै बिजिरसालिआ हमदांदोंदि, फुवारनाय एयारपर्टआ आबुं जानो खमैब्लाबो २ बोसोरसिम सम लाबावगोन। बिजिरसालिआ बे बाश्नाखौबो फोरमायोदि, गासै २२ एकड़ हानि गोनांथि दड़, जायफोरनि गेजेराव १०.३ एकड़आल ' रैखाथि अट'रिटिनियाव दड़आरो ११.७ एकड़आ गावयारि सेक्टरआव दड़।

आगै स'ना ददेरे फांदां

नॉनि हायना गोनां महरआव आवलिबाय आनि गोसो गोबोंआ। आदै मद, जान्जिया नॉनि मोज्जलाय जान्जि, गन्थंआ नरेंसु बायदि, खावलाय नॉनि गोजा फाउदुद जागा जागा आंखौ खुदुमफै आदा आंखौ खुदुम होनलायनाय बिखा गोजौ गोजौ, हाथायआ रिगि रिगि समायना गुफुर, खानाइआ नॉनि रुमबां, आखाइआ लाहि मिहि, गोदोना फंले आसिगुर

गोलाउ, रावआ नॉनि बेरे बिदै बादि गोदै गेस्त्रे। मा एसेबां समायना आगै नॉलाइ नॉखौ बे जोनोमाव मोनाब्ला सामथाइ बिफांआव दिन्दां गोदोनायाव दौलें लागायनानै थैगोन आं सर्याथि सर्याथि थैथारगोन स'ना फांदां।

भद्रेस्वर सर्गीयारी
ला:सो:- बेतबारी
जिला-बागसा, बड'लेण्ड

मनिपुरआव मोननै हारिनि गेजेराव सोमजिनाय दाडा-बाजिआव सा २५ सुबुंफोरा जोखोम जादों

इम्फल, १ मे: मनिपुरनि तामेलं जिल्लायाव हानि दावरावखौ लानानै दरनै नागा गामिनि गेजेराव गोखों हिंसायारि दावराव-दावसि जानायनि उनाव जर'खा धारा फोसावनाय जादों। बे जाथायाव सा १२ रैखाथि मावसुमाजों लोगोसे सा २४ जोखोम जायो। बिबानगिरिफोरनि बादिब्ला, बुधबार मोनाबिलि समाव तामेलं गामिनि २ रोजा थागिबिफोरा हानि दावराव जानायखौ लानानै गांसे गोसोखांलाइ गथायनो लेडाइ कमिसनार आरो पुलिस कमिसनारनि मावख'आव हान्जा



सुरनानै थांदोंमोन। बे समावनो हिंसायारि दाडाबाजि जायो। दाइलं गामिनि थागिबिफोरा

गोदान दिल्ली, १ मे: पेहेलगाम गाग्लोबनायनि उनाव भारतनि गोखों एक्सनजों पाकिस्तानआ गिखांदों आरो पाकिस्ताननि दैदेनगिरिफोरा गनायथावै बिबुंथि, शुनज्जलायनाय बिबुंथिफोरबो होदों। बे समाव पाकिस्ताननि सासे आइजो एमपिआ पाकिस्तान संसदआव भाबरि मसजिदखौ लानानै बिबुंथि होदों। आइजो एमपि पलवाशा हाइ खानआ शुनज्जलायनाय बिबुंथि होनानै मोनसे गोदान जेनानि आयदाखौ नुजाथिहोदों। बिबो बुंदोंदि, अयध्याआव लुनो गोनां गोदान भाबरि मसजिदनि गिबि इटाखौ पाकिस्ताननि आर्मिआ गायसनगोन। बेनि सिगां बिलावल भुट्टाआ बावैसो सिगाडाव सिन्धु दैमानि दैखौ लानानै मोनसे शुनज्जलायनाय बिबुंथि होदोंमोन। बेनि उनाव पाकिस्तान पिपुल्स पार्टि(पिपिपि) नि आइजो एमपि पलवाशा महम्मद जइ



खानआ शुनज्जलायनाय बिबुंथि होयो। बिबो बुंदों, अयध्याआव लुनो गोनां गोदान भाबरि मसजिदनि गिबि इटाखौ पाकिस्तान सान्थिआ होगोन आरो गिबि सिमेन्टनि मसलाखौ आर्मि सिफ आसिम मुनिरआ होगोन, जों आखाइ हमनानै एरैनो थाग्रा नडा। बेजों लोगोसेनो पलवाशा खानआ बेखौबो दाबि दैखांदोंदि, शिख सान्थिआ पाकिस्तानआव गाग्लोबनाय नडा, मानोना बेयो गुरुनानक देबनि जोनोम हा। पलवाशा खानआ गावनि बिबुंथिआव हाथियार हमनो खावलायनानै

गावसिनि सान्थिआव ६-७ लाख सान्थिल'गैया, गावसोरहा २५० मिलियन सुबुंफोर दड़, जायफोरा सम फैयोब्ला हाथियार दैनानै आगान गोरोबफाना गसंगोन आरो साफा-साफा गोखों सान्थिनि महर लागोन होन्नानै बो बुडो। मख 'जाथावदि, पाकिस्तान पिपुल्स पार्टिनि डिपुटि इन्फर्मेशन सेक्रेटारि आरो २०२१ निफ्राय सिनेटनि सोद्रोमा जानाय पलवाशा महम्मद जइ खानआ २००८ निफ्राय २०१३ सिम नेसनेल एसेमब्लिनि सोद्रोमा जादोंमोन।

भागलपुरआ गंनै गोदान वन्दे भारत ट्रेन मोन्नो हासिगौ



भागलपुर, १ मे: आगुनि रेलवेनि गेजेरजों आसनसलआव खुंनाय मन्डल संसदीप कर्मिदिनि जथुम्मायाव गुबुन गुबुन लामायाव वन्दे भारत सालायनायनि आयदाखौ दिखाडो। बे जथुम्मायाव एमपि अजय कुमार मन्डलनि थान्दै महरै दीपक खेतानआ बाहागो लायो। बे जथुम्मायाव भागलपुरनिफ्राय कलकाताआ पीरपेन्ती वन्दे भारत सालायनो दाबि दैखाडो। भागलपुरनिफ्राय पाठना आरो भागलपुरनिफ्राय वाराणसीनि गेजेराव वन्दे भारत सालायनो दाबि दैखाडो। बेनि अनगायै सिपालदर-वाराणसी, भागलपुरनिफ्राय साहेबगन्जनि गेजेराव जरानै पेसेन्जार ट्रेन सालायनो दाबि दैखाडो। अंग एक्सप्रेसनि सालायनायखौ सप्ताहआव साननै खालामनोबो दाबि दैखाडो। बेरा फासै बे जथुम्मायाव भागलपुर-हावाडा वन्दे भारत एक्सप्रेसनि सम सिमायावबो सोलायनो दाबि दैखाडो। बेयाव

बुंनाय जायोदि, भागलपुरनिफ्राय बे ट्रेनखौ जुदि सान्जौफुनि ३:२० रिगानि जायगायाव फुनि ५:०० रिगायाव सालायोब्ला फालांगिरिनि हावडा थानानै मुवा-बेसाद बायनानै आरो ओन्सोलनि बेमारिफोरा डक्टरनिफ्राय सुबुरुन लानानै हावड़ानिफ्राय हराव फैफिन्नो हागोन। फासैथिं उरां जाहाज दावबायारिफोराबो कलकाता थानानै उरां जाबाज हमनायाव एबा कलकातानिफ्राय फैफिन्नायाव सुबिधा जागोन। अदेबानि ट्रेन फैफिन्नाय समखौ बेलासिनि ४:०० निफ्राय ५:०० रिगायाव खालामनो दाबि दैखाडो बे जथुम्माखौ एमपि रत्रृष सिन्हाआ दैदेन्दों। बे समाव रेलवेनि आगुनि गाहाइ सामलायगिरि, मालदा मन्डल आरो आसनसल मन्डलनि रेलवे सामलायगिरिजों लोगोसे रेलवेनि गुबुन गागि बिबानगिरि आरो एमपिफोरा नुजाथिदों।

दुइगैलं गामिनि सुबुंफोराबो बे दावराव-दावसिआव बाहागो लायो। हिंसायारि दाडा-बाजि जानाय समाव सुबुंफोरा लुगासिनो थानाय पिडब्लिउडिनि नायसंग्रा बांलाखौबो अर सावनानै होयो। पुलिसआ थासारिखौ सामलायनो थाखाय टियाक गेस गावो। बे जाथायनि उनाव जिल्ला मावख' आरो सिमनाजों नांजाबनाय दाएलं-दुइगैलं आरो अल्ड तामेलंआव बिएनएसनि धारा १६३ खौ फोसावो। उनि गोदान बिथोन मोनजासिम बेयो सोलिगोन।

बड'सा

6

बिलाड़

CYMK

कक्राझार, शुक्रवार २ मे, 2०२५

(□ १ बिलाइनिफ्राय)

बड'फा उपेन्द्र नाथ ब्रह्मनि ३५थि रुंसारि सानजों लोब्बा लाखिनानै तामुलपुर जिल्लानि दाब-दाब गामिफोरावबो आलारि बाथि फोजोंदों

बड'फानि गोसोर्खांथि मुसुखा बेखेवनायजों लोगोसेनो राजा लामाखौ बड'फा इ.उ.एन ब्रह्म मार्ग होनायखौ मान होनाय आरो बड'फा उपेन्द्र नाथ ब्रह्मनि जिउमानि गोजोन आरो सान्थिनि थाखाय तामुलपुर जिल्ला, नाग्रिजुलि, तामुलपुर आरो कुमारिकाता दख'रा एबसुनि मावखुलियाव आलारि बाथि फोजोंनायजों लोगोसेनो बगाजुलि खोदोमगुरि, सोमलिगुरि, गनेसगुरि, बैग्रिगुरि, दुब्लिबारि बायदि दाब–दाब गामिनि रायजो–राजाफोरखौ जथाइयै आर'ज गाबनायखौ नुनो मोन्दों। ओरैहाय तामुलपुर जिल्ला खुंथाइनि बानजायनायाव तामुलपुर दुरगा मन्दिरनि न'ब्लांआव दिल्लीयाव बड'फानि मुसुखा बेखेवनाय आरो बड'फानि मुडाव लामा बेखेवनाय हाबाफारिखौ लाइफ होना दिन्थिफुंनाय हाबाफारि लानाय जायो। बहाबाफारियावनो तामुलपुर जिल्ला खुंथाइनि जिल्ला खुंगिरि पंकज चक्रबर्ति आरो तामुलपुर जिल्ला दुलाराइ बर' फरायसा आफादनि गाहाइ नेहाथारि जिबन जिउ बसुमतारि बिथांजों लोगोसे तामुलपुरनि ओन्सोलनि गोबां राइजोफोरा *बड'फा लायो।*

गोदान दिल्लीनि बड'लेण्ड हाउस बड'फा उपेन्द्र नाथ ब्रह्मनि ३५थि रुंसारि सान फालिदों

राइज्योनाडैबिथानि ३५थि रुंसारि सान फालिनाय जादों। दुलाराय राइज्योनाडैदाब–दाब जायगाफोराव बड'फानि रुंसारि सान फालिनाय बायदिनो हादरनि राजथावनि गोदान दिल्लीआवबो बड'फा उपेन्द्र नाथ ब्रह्मनि ३५थि थैनाय सानखौ मेहेर गोनाडै फालियो। गोदान दिल्लीनि कैलाश कलनिआव थानाय बड'लेण्ड हाउसआव खुंनाय बे बड'फा उपेन्द्र नाथ ब्रह्मनि रुंसारि सान फालिनाय हाबाफारि बायदि्यै फुंबिलि समाव आफादनि गोथार आर'ज मेथाइ रोजाबनायनि उनाव आफादनि गोथार फिरफिलाखौ ससे बिरहोयो दुलाराय बर' फरायसा आफादनि आफादगिरि दिपेन बर'आ। बड'फानि मुसुखायाव बिबार बाउजेनो बर' थुनलाइ आफादनि आफादगिरि ख़ सुरथ नाज्रिआ। लोगोसे बड'फानि मुसुखायाव फारि फारियै बिबार बाउवो बि टि आरनि गाहाइ मावफुं सोद्रोमाजों लोगोसे दुलाराय बर' फरायसा आफादनि आफादगिरि दिपेन बर' आरो हाबाफारियाव बाहागो लानाय गासै दैदेनगिरिफोर, गुबुन गुबुन माहारियारि आफादफोरनि दैदेनगिरिफोर, बर'नि सानसुमै मेलेमजिबिफोरा। दिनैनि बे हाबाफारिनि गेजेरजों दुलाराय बर' फरायसा आफादनि आफादगिरि दिपेन बर'आ फोरमायोदि, बर' माहारिनि थाखाय दिनै मोनसे गोग्नायनि सान। मानोना दिनैनि सानआ बर' हारिनि सिनायथि आरो बड'फानि गनायथिखौ माहारियारि आरो हारिमायारि थाखोआव लाबोनो हानायनि मोनसे गोग्नायनि सान। दिनैनि जारिमिनारि सानआव भारत रत्न लकप्रिय गपिनाथ बरदलैनि उनाव बड'फा उपेन्द्र नाथ ब्रह्मखौ आसामनिफ्राय नैथि गेदेमा सुबुं महरै हादरनि राजथावनि गोदान दिल्लीआव गनायथि होबाय। बेयो बर' हारिनि थाखाय जोबोद गोग्गाथाव। बेबायदि खाबुखौ मोन्नाया जों बर' हारिनि थाखाय खाफाल गोनां होन्नाने बड'फानि मुंखौ लानानै जौनि गेजेराव राजखान्थियारि नोजोरजों रावबो दान्थे-बिदान्थे खालामनो मोन्थाय गैया होन्नानै फोरमायो दुलाराय बर' फरायसा आफादनि आफादगिरि दिपेन बर'आ।□

आंनो नोंनि अन्नाय नांगौ

(□ ४ बिलाइनिफ्राय) बिब्दि सानो ? आं नोंनि बिदासोना मायनाव, प्लिज बिब्दि दासान। नोंनि थाखायनो अमाय आनै मोना बेसेदि नालाय खमलाय जाखो, जालांखो ? आंखौ होखारखो। आंखौ नोंं गोजोनै थानो होदो जिमि। प्लिज लिभ मि एलन, बिकस आइ अवान तु लिभ इन दिस अवाइड फ्रिलि। आंथ' न' आव आय आफा गैया, नोंनि आय आफामोनआनो आंनि आय आफा सिबिनां गसाइ। आरो नोंं आंनि गोरबोनि असे बिनानाव, नोंं आंखौ बिदा असे सान्नानै सोलिदो प्लिज। आं नोंंखौ मोजां मोन्नो हानाय नडा, मानोना नोंं अमायनि फिसाजोसो, आंनि असे बिनानाव आरो आं नोंनि असे बिदा। नडाब्ला आंनि इज्द आरो अमाय आनैमोना लाजि नांगोन। समाजाव ससियेल स्तेताज थानाय नडा।

: बेफोरखौ आं मोनथिया आदा, आंनो खालि नोंनि अन्नाय नांगौ। नोंनि अन्ना आंनि जिउआ मिनिं लेस्ट। उइदावड इउ आइ केन नट इन डिस्ट अवालर्ड। थानांगौब्ला नोंनि थाखाय थंगोन, थैनांगौब्ला नोंनि थाखायनो थैगोन। नोंं आंखौ जुलि खालामदो आदा आं नोंंखौ थैजासिम सिबिगोन मोदाय बायदि। खालि आंनि मिजिंखौल' सुफुंदो। आदा प्लिज लाभ मि, बाट नट लिभ एलवन। बिकस आइ निट इउ....३– होन्नानै फागिल बायदि सार्थखौ खुनानै बिबार बारियाव जालदाब गारहरो। खालि थाबाय गेनजि। बेनिफ्राय गोसो बायदि गोबाखबबाय, खुदुमलाबाय। बिहुडा नारखा नारखा फैबाय, माना खालामबाय हाबहैबाय। हैबासिनो जिमिया हाबफाबाय। बिहुडा एमाव जनानै थाबाय नायगंना, जिमिया बुंबाय–

: आदा नोंं आंनो खोथा होनांगोन दि आं नोंंखौ मोजां मोनो होन्नानै नडाब्ला आं थाड।

: नोंं मानो बुजिया जिमि ? नोंंथ' उन्दैद्राय गथ' नडाब्ला बुजाय जानो ? न' नलेज उइदावड केलजखौ मोनथिया नोंं ? कलेज फरायब्ला गियान सान्नो हनो रेंनांगौ, सेल्फ कन्ट्रूल थानांगौ। बांद्राय ब्रेकलेज जायोब्ला जिउआ खाना नाडो। मानसिफोरजों मिनि जायो, गात्रि बुंजायो, बेफोरखौ मानो साना नोंं जिमि। बाश्रायावनो दडना हमथानाय गोसोया सुखु होयो, लोरबां गोसोया दुखुयाव खोख्छैयो। नोंं फरायनानै मोन्नाय गियानखौ नोंं मानो एफ्लाय खालामोन नाजाया ? सोलोंथायनि गोथार मिनिंखौ नोंं हांगार दाफोन। नडाब्ला इयुन जेनेरेना जोंखौ खर' गात्रि सानगोन। समाज खान्थिखौ नोंं दाबस' प्लिज थांदो जिमि।

: आं बेफोरखौ बुजिया आदा, खालि दा आंनो नोंनि अन्नाय नांगौ। बाय हुक बाय क्रुक। नडाब्ला आं सुइसाइड जागोन आं आदा. गाबो।

:सट आफ,न'टि गार्ल। आय हेट इउ, आय से इउ गेट आवट फ्रम हैयार। कुइक।

: थैब्लाबो थाड आं।

: थाड ?

: ओहो।–सोबायो।

जिमिया गाबै गाबै न'आव थाडो दरजा खिरखि मारिना गान्दु गोबानानै बिहुंनि सावगारीखौ नायनानै गाबो। गोबानानै उन्डु लांनो नाजायो। हरखाब न'नि सेल्फ आव थानाय बिष बटला मेगनाव रिफिखाडो आरो हानहरनानै लोडो। सेन्स लेस जानानै गोर्लैयुबो। दै दै होन्नानै हज्रिखावो, बिमा बिफाया दरजा एरखावनानै रुमाव हाबो। हाखु दाखु गोख्रै दौवो। हस्पिटलाव थिसनो। डाक्टर नार्सनि अन्नायाव जिमिया मोजांनि फारसे फैयो। थेवबो बिमा बिफाया जिंगाजों बुसोम जायो। इयुननि खोथाखौ सानो गुदि बिजौ।

जाथायखौ खोनानानै बिहुडा फाहामसालि फारसे थाडो, पेसेन्टनि रुमाव हाबो। लोगो लोगो बिमा बिफाया सिखांनानै रुमनिफ्राय ओंखारबोयो। बिहुडा लासै लासै जिमिनि खानाय, खावलाय, गुस्थियाव बिलिरो, अनो। जिमि होन्नानै गाबज्रियो। जिमिया मेगन बेखेवयो। थायब्रै मेगना दसे माबा रायलायो। जिमिया आदा होन्नानै बिहुंनि आखायखौ बिखायाव गोबाथाबनानै लायो।

: हामबाय जिमि सिखांलाय।

: आ–आदा आय लाभ इउ भेरि मास्ट।

: आय तु लाभ इउ भेरि मास्ट।–सानैबो लासैनो खुसिनि अखा हायो। दसेनो जोमै गैया लासिनो खुसिनि अखा हायो। दसेनो दैबाना। स्रां बोथोर। रोमै रोमै गोजाननिफ्राय अन्नायनि रादाय फिल्मनि दोंसे मेथाया रिखां फैयो।

“नोंं आनि सुखु दुखु अरायनि

गोबां आंबो बुंनो सानो

नोंं आनि सुखु दुखु अरायनि।”□

बिबार

बिबार–बिबार मानो बारो नोंं बिबार

फैयो नोंं मानो सानसे सान्नै निल'

जिउ लानानै फैलाव मिथिंगा बिखायाव ?

दङ' नामा नोंंहा सानसे सान्नैनिल' जिउ

नंगौ नोंं इशोरजों थिनहर जानाय

बे फैलाव मिथिंगा बिखायाव ?

सम आरो बोथोरजों गोरोबनानै

फैयो आरो थाडो नोंं बे फैलाव मिथिंगा

बिखानिफ्राय।

समायना–रमायना बायदि हायना

महरनि बिबार फोरा

गेवलां–गेवथां बारदों

हायना महरनि नोंं मोदोमफ्रु बिबार

नोंनि हायना महराव बेरे सिखिरिफोरा

बिदै सोबनो बिरबाय बिरबाय

नायगिर बायो नोंंखौ बिबार

मानो बारो नोंं बिबार ?

आय' बिबार नोंं मानो मोजोमसेल' ?

नोंनि हायना महरखौ नुफा–माफा

बे फैलाव मिथिंगा बिखायाव।

साया–माया, नुहां–नुवाहां दै थरथिंसेल'।

सम जानाय लोगो लोगो – गोमा

लांफिन जोबो मानो नोंं बिबार ?

अ' बिबार नोंं मा एसे
समायना–रमायना।

नोंनि महरा सुबुंनि गोसो–गोबों

आव गोजोनलाय होयो।

समायना–रमायना बायदि गोमो–गोथां

गाब गोनां नोंनि महरा लासैनो

गोबायो अनसुलि बुहुम बिखाखौ

गावनि बोथोराव गाव.....

सम आरो बोथोरजों गोरोबनानै।

रिनदाव बसुमतारी
देबोरगाव एइस, एस कक्राझार
थाखो– एइस एस सेकेण्ड इयार
गामि– आमिनफारा, पाटगाव
जिला– कक्राझार, बि टि सि, आसाम।

(□ १ बिलाइनिफ्राय)

बासुगावआव हरिमायारि लेबार सान खुंदों

आरो उर्बंशी ब्रह्म फाउन्डेसननि बान्जायनायाव लेबारफोरखौ मान बाउनाय हाबाफारि खुंदों। बेसालि समाव बासुगाव दुर्गाबारिनि राइज्योआरि मेल जथुमसालियाव खुंनाय लेबारफोरखौ मान बाउनाय हाबाफारियाव गासै सा २०० निबो बांसिन साननि खामानि मावग्रा लेबार, इ–रिक्सा सालायगिरि, टेला बोग्राफोरखौ बिजु कुमार ब्रह्म आरो उर्बंशी ब्रह्म फाउन्डेसननिफ्राय गांफायै गामसा, अन्थोब गथायनानै मान बाउदों। दिनै हारिमायारि लेबार सान (१ मे सान) खौ लोब्बा लानानै बिसोर लेबारफोरखौ मान बाउयो बिजु कुमार ब्रह्म आरो उर्बुंशी ब्रह्म फाउन्डेसननि मासिगिरि सोमखोर ब्रह्म, जिल्ला बिजेपिनि आफादगिरि रतन चन्द्र राय, लेडाइ आफादगिरि बिश्वजित बर्मनजों लोगोसे माखासे आलासिफोरा। मान बाउनायनि सिगाडाव मोनसे मेलबो खुंनाय जादों। मेलाव हारिमायारि लेबार साननि सोमोन्दै बेंतल फरायसालिमानि बिबुंगिरि बेनिदिक हाज'वारिआ बिबुंधि लाखिदों। लोगोसे जिल्ला बिजेपिनि आफादगिरि रतन चन्द्र राय आरो बिजु कुमार ब्रह्म आरो उर्बंशी ब्रह्म फाउन्डेसनि मासिगिरि सोमखोर ब्रह्ममोनहाबो बिबुंधि लाखिदों। दिनै लेबारफोरनि थाखाय जर'खा सानाव बेबादि मान बाउजानानै लेबारफोरा थुलुंगाखांनायजों लोगोसे गोजोन्नाय फोरमायदों।□

हारिमायारि लेबार सान

मोन्थाय, बिजिरथाय आरो रैखाथिनिफ्राय

जानगाराव थानांनायनि सायाव बिबुंधि लाखियो। बेनि अनगायैबो बिथाड मुलुग आरो भारतआव दाफुंजानाय महराव जागायजेन्नाय लेबार सोमावसारनायनि जारिमिनफोरखौ मख'यो। गावनि बिबुंधियाव सन्तश गुहआ बुंदों, लेबारफोरनि गेजेराव हारियारि आरो धोरोमारि गैया। लेबारफोरा मोनसे हारि, बेयो जाबाय लेबार हारि। नाथाय लेबारफोरखौ सरकारआ माबौरै हारियारि आरो धोरोमनि मुडाव बाहागो खालामनानै गुबुन गुबुन राहाखान्थिजों बिजिरथाय आरो मोन्थायनिफ्राय जानगाराव लाखिगासिनो दङ'बेनि सायावबो बिबुंधि लाखिदों। गेवलां मेलाव उकिल मखलेशुर रहमनआ लेबारफोरा समाजआरि बिजिरथाय रैखाथि आरो मोन्थायनिफ्राय जागाराव थानांनायनि गुबुन गुबुन बिथिंखौ मख'नानै आइन राहानि सायाव बिबुंधि लाखियो। गुबुन फारसे सरकारआ लेबार महरै बाहायनाय आशा मावफारिया, आदार संग्रा अंगनवादि मावफारिया हेफाजाबगिरिफोरा जैर्बादि खामानि मावो बेनि सालायै सरकारआ गथायनाय सरासनस्त्रा दानबान्था गथायनानै गुबुन गुबुन समाव बेसेन गैयै खालामनाया सोंखारिजाथाव होन्नानै लेबारफोरा गाव गावसिनि मोन्नांगौ मोन्थायखौ हास्थायो, बिबायाखै होन्नानैबो सरकारनि नेमखान्थि हेंथा खामानिखौ सोंखारियो। गेवलां मेलाव गसाइगावनि जर'खा नोगोरारि, थुनलाइगिरि आरो महकुमा सरकारि पेन्सनासं आफादनि नेहाथारि खनिन्द्रनाथ दासआबो गुबुन गुबुन बिथिनि सोमोन्दै बिबुंधि लाखिदों।□

गोदान दिल्लीयाव बड'फानि मुडै लामा-मुसुखा बेखेवनानै मान होदों

४:३० रिंगायाव आसामनि गिबि मन्थि ख़ हिमन्त बिश्व शर्मा, दिल्लीनि गिबि मन्थि रेखा गुप्ता आरो बिटिआरनि गाहाइ मावफुं सोद्रोमा प्रमद बर'जों लोगोसे एबसुनि मिरु आफादगिरि दिपेन बर'मोनहा बाहागो लाफैनायाव गोदान दिल्लीयाव हाबाफारि बादियै बड'फानि मोनसे मुलुखाखौ बेखेवनायजों लामाखौ बाउनानै होयो हादतनि मिरु नख'र मन्थि अमित शाहआ। बेनि उनाव कैलाश क'लनीनि साखाथियाव थानाय मोनसे पार्कआव बड'फानि थैनाय बोसोरारि एबा थैनाय सानखौ लोब्बा लानानै मोनसे गेदेर सुबुं गौमा खुंनाय जादों। सुबुं गौमायाव गाहाइ आलासि महरै मिरु नख'र मन्थि अमित शाहआ बाहागो लाफैनानै गावनि बिबुंधियाव बुंदोंदि, 'गावआरि हारिनि थाखाय, ओन्सोलारिनि थाखाय, मान आरो मोन्थायनि दावहायाव जिउनाडै सोमावसारनाय बड'फा उपेन्द्रनाथ ब्रह्मनि दिनै ३५थि थैनाय साननि गेदेमा सानाव गोदान दिल्लीनि कैलाश नोगोराव बड'फानि मुसुखा आरो गेदेत दोंसे लामाखौ बड'फानि मुं खालामनो मोन्नानै गावखौनो खाफाल गोनां जादों होन्ना बुडो। बिथाड़ा गोदान दिल्लीयाव बड'फानि मुं होनायजों मोनसे गेदेत लामा आरो मुसुखा गायसन्नाया बड'लेण्ड एबा बर'फोरनि थाखायल' मख'जाथाव नडा, हादतनाडैनि गासैबो फिसा–फिसा हारि–जनजाति फोलेरनि थाखाय माननि होनायनि नेर्सॉन होन्ना बुडो। हादतनि रजथावनि गोदान दिल्लीयाव बड'फानि मुसुखा गायसन्नाया बड'लेण्ड आरो आसामारिनिल' नडा हादतनाडैनि फिसा जनजातिफोरनि थाखाय मोनसे मान होनाय जादों होन्ना बिथाड़ा बुडो। अमित शाहआ गावनि बिबुंधियाव पेहेलगामाव उतखारिफोरनि इनायै बुथारनाय जाथायखौ फिनजाथाय होनानै पेहेलगामनि जाथायाव लोब्बा थानाय उतखारिफोरनो मोनफा मोनफायै थि फिन्नाय होनाय जागोन आरो उतखारिफोरखौ फोजोबस्त्रांनाय जागोन होन्नानैबो हुमखि होयो। शाहआ ९० जिथायनिफ्राय काश्मीरआव उतखारिफोरा गिखांहोनाय उतखार खामानि मावबोदों होन्ना फोरमायनानै बे बिथिडाव गाहाइ मन्थि नरेन्द्र मदिआ उतखारिफोरनि हेंथायै लाथिख' सहायनाय खान्थि आजावबोदों। जम्मु–काश्मीरआव उतखारिफोरखौ फोजोबस्त्राडैसिमाव भारतआ आखाय मुथुनानै जिरायना थाया आरो रावखौबो रेहाय होनाय जानाय नडा होन्ना बुडो। उतखारिफोरनि खामानिया जैरेबादियानो जाया मानो सा–सान्जा ओन्सोलानो जाथों एबा लेफप्रन्ट ओन्सोलानो जाथों एबा काश्मीरआनो जाथों रावखौबो रेहाय होनाय जानाय नडा। पेहेलगामाव सा २७ दाय गैयै सुबुंफोरखौ बुथारनानै उतखारिफोरा जेब्ला देरहानायखौ सान्दोंब्ला बिसोर गोरेथि खालामदों। नरेन्द्र मदि सरकारआ पेहेलगामनि जाथायाव लोब्बा थानाय उतखारिखौ माब्लाबाबो निमाहा होया आरो साफा–साफायै नागिरसंना खिथेर लानाय जागोन होन्ना बुडो। बे बिथिडाव पेहेलगामाव उतखारिफोरनि आखायाव बोलि जानांनाय नख'रारि, आंगोनि सुबुंफोरनि दुखुआव हादतनाडैनि १४० कौटि सुबुंफोरा दुखुजों मोगा–मोगि जादों होन्ना नख'र मन्थि अमित शाहआ बुडो। बिटिआर रादायनि सोमोन्दै बिसायख'थिनि सिगां–सिगां गासैखौबो मावफुंनायनि बिबान लानानै सिगांलांनो थाखाय आसाम सरकारखौ खावलायदों। मेलाव आसामनि गिबि मन्थि ख़ हिमन्त बिश्व शर्माआबो बिबुंधि लाखिदों।

फारसेथिं, बिटिआरनि मावफुं सोद्रोमा प्रमद बर'आ गोदान दिल्लीयाव बड'फानि मुं होनायजों दोंले लामा आरो मुसुखा बेखेवनाया बर'फोरखौ गोग्गाहोदों होन्ना बुडो। प्रमद बर'आ लोगोसे बुंदोंदि, बड'फा उपेन्द्रनाथ ब्रह्मनि आदर्श आरो नोजोरारि, सान्नाय–हनाय आरो बिथानि लामा दिन्थिनायजों बर'फोरा दिनै सोमावसारनानै गाव–गावसिनि राव, आरिसु, हारिसु आरो गावआरि सिनायथिखौ थि लाखिनो हादों। बिथाड़ा बुंदोंदि, बड'फा गैयामोनब्ला दिनै बर'फोरनि राव, आरिसु–हारिसुनि थामोन्थाया रैखा जानाय नडामोन। एबसुनि मिरु आफादगिरि दिपेन बर'आ दिनैनि सानखौ मोनसे जारिमिनारि सान महरै बिम्मु होना थांखि लानायखौ गाहाइ मन्थि, नख'र मन्थि, दिल्लीनि गिबि मन्थि आरो आसामनि गिबि मन्थिनिसिम साबायख'र बाउयो। दिनै गोदान दिल्लीयाव खुंनाय हाबाफारियाव मिरु सरकारनि राइज्यो मन्थि पबित्र मार्घेरिता, आसाम सरकारनि मन्थि उर्खाव गोरा ब्रह्म, बिटिआरनि सानै एमपिफोर रेनगोरा नाजारी, जयन्त बसुमतारि, एमएलए लरेन्स इस्लारी, बर' थुनलाइ आफादनि आफादगिरि, ख़ सुरथ नाजारी, दिल्लीनि गिबि मन्थि रेखा गुप्ता, मेयर राजा नकबाल सिंमोनजों लोगोसे माखासे मान गोनां सुबुंफोरा बाहागो लाफैदों।□

गोदान दिल्लीयाव बड'फा उपेन्द्रनाथ ब्रह्मनि मुसुखा बेखेवनाय, लामा

आरो रटारी मुं होदों मिरु मन्थि नख'र मन्थि अमित शाहआ

आगोमा मान होनायनि आयदा जादों। उपेन्द्रनाथ ब्रह्मनि दैदेन्नायाव बर' हारिया गावनि मोन्थायनि रैखाथिनि थाखाय मोनसे गोबाव सोमावसारनायाव नांथाबदोंमोन होन्नानै गिबि मन्थिआ बुंदोंदि, महात्मा गान्धीनि हिंसा खालामै सोमावसारनायनि गेजेरजों थुलुंगाखानांनै बड'फाआ बर' हारिनि बे सोमावसारनायखौ हिंसा खालामै आरो बिजिरथायनि लामाजों सिगांलांहोदोंमोन। गोबाव साननाडै सोलिबाय थानाय बे सोमावसारनाया ओरैबादि मोनसे थाखोसिम सौहैदोंमोन, जेराव माखासे सुबुंफोरा आसामखो बोखावनायजों लोगोसे भारतनिफ्राय गावस्नानानै उदां बर' हादतनि बाश्राखौबो सानखानो जागायजेन्दोंमोन। बे सोमावसारनायाव ६ रोजानिखुइबो बांसिन सुबुंफोरा आखायाव हाथियार लानायजों लोगोसे बड'लेण्डआव बुथारनाय आरो हिंसानि गेजेरजों मोनसे गेदेत हिंसायारि सोमावसारनाय सोमजिदोंमोन। बेनि जाहोनाव सरासनस्त्रा सुबुंफोरनि गेजेराव गोसो बायहोनायनि थासारि सोमजिहोदोंमोन होन्नानै बिथाड़ा बुंदोंदि, बे सोमावसारनायखौ होबथानो जर'खायै जायखि जाया राहा आजावनाय जायाखैमोन। गिबि मन्थिआ बुंदोंदि, गाहाइ मन्थि नरेन्द्र मदिआ खुंथाय सामलायनायनि उनाव बिथानि दैदेन्नायाव मिरु नख'र मन्थि अमित शाहआ गोजोननि थासारि सोर्जिनायनि बिथिडाव गोनांथार थांखि आजावना लादों। गाहाइ मन्थि नरेन्द्र मदिनि नोजोरारि दैदेन्नायाव आरो मिरु नख'र मन्थि अमित शाहनि नाजानायाव २०२० माइथायाव बर' गोजोन रादायआ मुंसायजादोंमोन आरो बेनि जाहोनावनो आसामआ गासै बिथिडाव मोनसे गोजोन ओन्सोल महरै मिबथिजादों। बिथाड़ा बुंदोंदि, मोनसे समाव जाय जायगायाव आलादा बर' राइज्योनि थाखाय सोमावसारजादोंमोन। बे बड'लेण्डआवनो राइज्यो सरकारआ बे बोसोराव आसाम बिधान सभानि बाजेट जथुम्माखौ खुंदों, जाय आसामनि खौसेथि आरो गोरोबलायनायनि नेर्सॉन महरै सिनायथि जादों। बर' गोजोन रादाय मावफुंनायनि बिथिडाव भारत सरकार आरो आसाम सरकारनि हेफाजाबजों थांखि लानायनि जाहोनाव दिनै बड'लेण्डआ गोजोन आरो जौगाखांनायनि मोनसे गोदान फैसालिसिम सौहैदों। गिबि मन्थिआ बुंदोंदि, गोदान दिल्लीयाव बड'फा उपेन्द्रनाथ ब्रह्मनि मुडाव दोंसे लामाखौ मुं होनाय आरो मुसुखा बेखेवनाया हादतनि जनजाति समाजनि थाखाय मोनसे जर'खा खौरां जादों। बे थांखिया जनजाति समाजनिसिम मोनसे गोदान मिर्जिंथिनाय आरो फोथायनाय लाबोदों। बिथाड़ा बुंदोंदि, बे गोजोन, फोथायनाय आरो मान होनायखौ सान्नाय–हनाय आरो थांखिया जेब्ला आगुआव आजावना लानायमोनब्ला बुथारनाय, हिंसा खालामनायनि थासारिया राइज्योआव सोमजिनाय नडामोन। गिबि मन्थिआ बुंदोंदि, आसामाव बाथौ धोरोम, ब्रह्म धोरोम बादिनो जनजाति समाजनि धोरोमफोरा सुबुंधिनि खौरांखौ गासै समाजनिसिम गोसारहोदों। मिरु सरकारआ आसाम आरो बर' समाजनि जारिमिनारि गनायथि मान होनायनि जाय जारिमिनारि सान्नाय–हनायनि थांखि लादों बेनि जाहोनाव राइज्योनि थागिरिफोरनि गोसोयाव गावखौनो भारत बिमानि फिसा महरै खौसेथियै हादतनि जौगाखांनायनि थाखाय खामानि मावनायनि थाखाय साहस आरो थुलुंगाखांदों। दिनैनि हाबाफारियाव दिल्लीनि गिबि मन्थि रेखा गुप्ता, मिरु गुबुन हादत एफेयार बिफाननि राइज्यो मन्थि पबित्र मेर्घेरिता आसाम सरकारनि आखाय इशान आरो जि–जोम आरिसु बिफाननि मन्थि उर्खाव गोरा ब्रह्म, एमपि जयन्त बसुमतारि, रेनगोरा नाजारी, बाशुरा श्वराज, एमएलए शिखा रय, बिटिआरनि गाहाइ मावफुं सोद्रोमा प्रमद बर', दिल्लीनि मेयर राजा इकबाल, बर' थुनलाइ आफादनि आफादगिरि सुरथ नाजारी, दुलाराय बर' फरायसा आफादनि आफादगिरि दिपेन बर'जों लोगोसेनो आसाम सरकारनि गाहाइ नेहाथारि ख़ रबि कतामोनजों लोगोसे भारत सरकार आरो आसाम सरकारनि बिबानगिरिफोरा आरो मान गोनां सुबुंफोरा बाहागो लाफैदों।□

माहाम देहानि राहा

बरफनि हाजो थिखिनियाव साननि जौंब्लावनाय सोमोनांथाव नुथाय नुनो मोना


जोंनो मिथिंगाया गोबां खाबुफोर होदों, जायनि माखासेखौ जों मिथिया। बुहुम-सान-अखाफोरनि बागैं बिगियानगिरिफोरनि नायबिजिरनायजों गोबां मिथिनो हाबाय। अब्लाबो गोबां मिथिनो गोनां दड् आरो माखासेनि बागैं जौनि गोबाडनो मिथिया। जों जौनि हादरआव मिथिंगानिफ्राय मोन्नाय सम्पदफोरखौ बिगियाननि नोजेरै नायनाय जाया, बेखौ जोबोद मानिनाय जायो आरो मान होयो। सानखौ नायहरनानै फुनि समाव दै लुनाय जायो आरो खुलुमो। मानोना बेयो जौनि जिउनि एबा थांना थानायनि थाखाय गोनांथार, जों बयबो मिथिगौदि, सानआ जोबोद बिदुं दड् एबा जौंमा गोहोनि बिगोमा, नाथाय माब्लाबा बेखौ खामब्लावनाय नुफेरदों ना? आथिखालाव भाइरेल जानाय भिडिअआव नुनो मोन्नाय जादोंदि, बरफजों खोबफबनाय हाजो



थिखिनिफोरावनो अर जौंब्लावनाय रोहो-रोहो नुनो मोन्दों। बेखौ नुनानै अरगें बेरफुनाय होन्नानैबो सान्नो हागौ। नाथाय बेयो अरगें हाजो बेरफुनाय नडा। भिडिअनि केप्सनआव बे सोमोनांथाव नुथाया चीननि मेली स्न माउन्टेननि। बेखौ नुनानै सुबुंफोरा सोमोनांदों, साननि जौंब्लावनाय अरखौ बे बादियै माब्रै नुनो मोनखो आरो बेखौ बुहुमनिफ्राय लांदां मेगनजों नुनो मोन्दों। @wonderofscience मुंनि एकाउन्टआव शेयार

खालामनाय बे भिडिअआव जाय नुथायखौ नुनो मोन्दों बेयो गुबैयै एर'ग्राफिक क्लाउडस एबा बारहावानि नारसिन्थाय आरो सिदोमाजों सोमजिखानाय जोमैफोर आरो हाबलानों हमनाय साननि जाहोनाव जें बेबादि सोमोनांथाव नुथायखौ नुनो मोन्दों। नाथाय बेयो सान रोदानि जौंब्लावनाय नुथाय नडा। जोमैनि जाहोनाव साननि रोदाखौ अर बादि नुनो मोन्दों।

फावखुंग्रि साबित्री गणेशनआ जेनिबो ट्रेनिं गैया जासे मोसानाय आरो एक्टिंनि मुलुगआव आगान होदोंमोन



साउथनि सावथुन मुलुगआव माखासे मुंदांखा फावगिरिफोर दं, जायफोरा गावसोरनि एक्टंजों सुबुंफोरनि गोसोआव जर'खा जायगा बानायनो हादों। नाथाय जों जाया फावखुंग्रिनि सल'खौ मिबबि होनो नागिरदों, बिथाड 1950 माइथायाव तामिल आरो तेलेगु सिनेमायाव दोहौ सोमजिहोदोंमोन। बेयो बै सममोन जेब्ला फावखुंग्रिफोरखौ फावखुं'गुरनिफ्राय बाडाइ सानजायोमोन। नाथाय बे फावखुंग्रिया गावनि एक्टंजों

बोदोर खालामनायजों लोगोसे बिथाड फावखुंगुरजों समान-समान फिस मोनोमोन। बिथाड आइजो माहारिनि बै बादि गोहोखौ दिन्थिदोंमोन, जाय बै समाव जोबोद गोब्राबमोन। अदेबानि बिथाड सासे एरैबादि सुबुंजों जुलि जादोंमोन, जाय गिबियावनो जुलि जाखानायमोन आरो जायहा साब्रै फिसाजोफोरबो दंमोन। नाथाय जिउनि जोबथा समआव बिथाड हारसिडै, खस्थयै थानांदों। जों सावरायगासिनो दं मुंदांखा फावखुंग्रि साबित्री

गणेशननि बाश्त्रा। जाय बलिउडनि मुंदांखा फावखुंग्रि रेखानि बिमा गदायबोमोन। बिथानि जिउनि सायाव मोनसे बाय'पिकबो बानायनाय जादों जायनि मुडा 'महानटि'। साबित्रीआ सासे गोबां राव रेंनाय भारतीय फावखुंग्रिमोन, जायनि जोनोमआ 6 दिसेम्बर, 1934 माइथायाव जादोंमोन। तेलेगु सावथुनफोरजों केरियारखौ जागायनाय साबित्रीआ तामिल, कन्नड, मालयालम आरो हिन्दी सावथुनफोरावबो मोजाडै

फावखुंग्रि आमिषा पाटेलआ बलिउडनि सोमोन्दै गुवारै बाश्त्रा सावरायदों

सुष्मिता सेन, सलमान खान बादि माखासे बलिउडनि फावगिरिफोरा जुलि जायखै आरो बिसोरनि जुलि जायालासे थानायनि थांखि लादों। गादारनि सकीना मुंदांखा अमिषा पाटेलआबो बिसोरनि गेजेराव सासे। बावैसो सिगां मोनसे इन्टारभिउआव फावखुंग्रिआ बलिउडआव सोमोन्दो थानायनि सोमोन्दै गुवारै बाश्त्रा सावरायदों। फावखुंग्रिआ सलमान खानजों लोगोसे गावनि बन्डिनि सोमोन्दैबो बाश्त्रा सावरायदों। सावथुन मुलुगआव जुलिफोर आरो डाइभर्स लानायनि सोमोन्दै बाश्त्रा सावरायनानै आमिषाआ बुडेदि, 'आं आंनि साखाथि-फाखाथिआव मोनफ्रेम रोखोमनि सोमोन्दोखौ नुदों। आं सन्जुनि सोमोन्दोखौबो नुदों, ऋतिक रशननि डाइभर्स



जानायखौबो नुदों। नाथाय बिथां आरो सुजेननि समायना क-पेरेन्टि खालामनायखौबो नुदों। सानैजों जोबोद मोजां लोगो। अब्ला आं सोर जाज खालामग्रा? सलमान खानआ सासे कुल टाइपनि सुबुं आरो फोथाइ जाथावै बुडेब्ला आं बिथांखौ जुलि जानाय नायनो लुबैया। बिथाड सासे मोजां मोनग्रा आरो बयखौबो सानग्रा सुबुं आरो बिथाड साफ्रोमनिबो थाखाय मोजां। जेब्ला

आमिषाखौ नोंथांआ सलमान खानजों जुलि जानो थियारि नामा होन्नानै सोंथि खालामो, अब्ला बिथाड बुडेदि, 'आंहा सलमान खानखौ गोबां इन्टारभिउ लानांगै, जे नोंथाड सोलायबाय ना सोलायाखै' बिथाड सासे लोगोनि महराव ओरैबादियै मोजांदि, आं बिथांखौ बै नोजोरजों माब्लाबाबो नायाखै, मानोना जेब्लाइबो बिथाड आंनि लोगोयैनो थादों। बिथाड अंजों

सा 3 पाकिस्ताननि फावगिरिफोरनि इनस्टाग्रामखौ भारतआव ब्लक खालामबाय

जम्मु-काश्मीरनि पेहेलगामआव उतखारि गाग्लोबनायनि उनाव गासै भारत हादतनि सिडव थानाय सुबुंफोरा उतखारिफोरनि सायाव सोंखारिदों। काश्मीरआव बेरायनो थांनाय सा 26 दावबायारिफोरखौ उतखारिफोरा थांखि बानायदों आरो बुथारदों। बे जाथायनि उनाव भारतनिफ्राय खालि पाकिस्ताननि नोगोरारिफोरखौल' गावसिनि हादतआव हगार हरफिनाखै, अदेबानि 'आबिर गुलाल'जों लोगोसे फवाद खाननि बलिउडआव फैफिन्नायाबो फुल स्टप एबा लामा गोथेदों। बे गाग्लोबनायनि उनाव आथिखालाव भारतआव पाकिस्तानखौ लानानै माखासे गिदिर थांखि लानाय जादों। पाकिस्ताननि फावगिरिफोरनि सावथुननि रिलिज जानायनि सायाव भारतआव बेन खालामनायजों लोगोसे बिसोरनि इनस्टाग्राम एकाउन्टखौबो भारतआव बेन खालामनाय जादों। पेहेलगामआव गाग्लोबनाय



जाथाय जानायनि उनाव भारतनिफ्राय लिगेल रिस्ट्रक्सन रिक्वेस्टनि जाहोनाव आथिखालाव माखासे पाकिस्ताननि फावगिरिफोरनि एकाउन्टखौ भारतआव ब्लक खालामनाय जायो। जायहा

दासिमाव भारतआव एकाउन्ट ब्लक जादों, बेव गिबि मुंआ शाहरुख खाननि रइस सावथुननि क-स्टार माहिरा खाननि मुडाबो दं, जायनि एकाउन्टखौ भारतनि अन्साइगिरिफोरा नुनो मोन्नाय

नंलिया। जुदि बिथानि मुंखौ इनस्टाग्रामआव सार्च खालामोब्लाबो बेव लिस्नाय फैगोनदि, एकाउन्टआ भारतआव एभेलेबल नडा। बे फारिलाइयाव गुबुन सासेनि मुडा पाकिस्ताननि समायना

‘रेड-1’ सावथुनखौ 1 मेनिफ्राय सिनेमा हलफोराव नायनो हारसिगोन

6 बोसोर उनाव अजय देबगानआ फिन खनसेबाव इनकाम टेक्स अफिसार अमय पटनायक जानानै स्क्रनआव फैफिनबाय। ‘रेड’ सावथुनआ सुपार स्टारनि केरियारनि बयनिखुइबो साबसिन सावथुनफोरनि गेजेराव मोनसे, जाय बक्स अफिसआव 2018 आव 100 कौटि रॉनिखुइ बांसिन बिजनेस खालामदोंमोन। अदेबानि आथिखालाव बे फावखौ खालामफिन्नो थाखाय फिन गावनि जानजि खाफ्रादों। ट्रेलारखौ नायनायनि उनाव गोबाव समनिफ्राय बिनि क्राइम ट्रिलार सावथुनखौ नायनो थाखाय नेनानै थानाय नायगिरिफोरा 1 मे खालि गावसिनि खाथिनि सिनेमा हलफोराव थांनानै नायनो हागोन। रेड-2 सावथुनखौ नायनो थाखाय नायगिरिफोरा बेसेबां एक्साइटेड बेखौ सावथुनि एडभान्स बुकिंखौ नायोब्लानो हमदांनो हायो।



सहरआव बांसिन टिकेट फानजादों बेव अन्ध्र प्रदेश, आसाम, बिहार, छत्तीसगड़, गुजरात, हारियाणा, हिमाचल प्रदेश, कर्नाटक, मध्य प्रदेश, उरिषा, पान्जाब, राजस्तान, तामिलनाडु, तेलेंगाना, उत्तर प्रदेश, उत्तराखान्ड, सोनाब बंग, दिल्ली आरो मुम्बाइआ दंफायो। मुम्बाइ महाराष्ट्रआव सावथुननि टिकेट फान्नायनिफ्राय 1 कौटि रॉसिम कालेक्सन जादों। बे सावथुनआ रेड सावथुनि सिकुवेल।

3.44 कौटि रॉं कालेक्सन खालामबाय। रेड 2 नि गासै ब्लक सिटआ 6.2 कौटिसिम। हमदांनाय बादिब्ला, बे

सावथुनआ मोनासिमाव 6 कौटि रॉनिखुइ बांसिन अनलाइन कालेक्सन खालामनो हागौ। रेड-2 नि दासिमाव जाय

करिश्मा कापुरआ 15 बोसोर बैसोआव गावनि एक्टिं केरियारखौ जागाय जेन्दोंमोन

90थि जौथायनि देरसिन फावखुंग्रिफोरनि गेजेराव सासे करिश्मा कापुरआ बै समाव जोबोद एक्साइटेड जायोमोन, जाय गावनि एक्टिं आरो मोसानायाव स्टाइलजों नायगिरिफोरखौ गोमो होदोंमोन। बलिउडनि समायना फावखुंग्रिफोरनि गेजेराव सासे करिश्माआ गावनि केरियारआव माखासे बल्ड बिफावबो होदों। बलिउडनि गिबि नख'र कापुर नख'रआव जोनोम मोन्नायनि जाहोनाव बिथाडा सासे जाफुंसारनाय फावखुंग्रि जानो थाखाय जोबोद खस्थ खालामदोंमोन। बेयो मोनसे सरसनस्त्रा सान्नायमोन जे कापुर नख'रनि फिसाजोफोरा एन्टारटेनमेन्ट मुलुगनि बाहागो जानायनि गनायथि गैयामोन। नाथाय करिश्मा कापुरआ बेफोर नेम-खान्थिखौ सिमफायना गिबि फिसाजो आरो बिथाड 15 बोसोर बैसोआव गावनि



एक्टिंनि केरियारखौ जागायदोंमोन। रणधर कापुर आरो फावखुंग्रि बबितानि फिसाजो करिश्माआ 'प्रेम केदी'जों गावनि केरियारखौ जागायदोंमोन। राजा बाबु, हिर' नम्बर-1, राजा हिन्दुस्तानी, दिल तो पागल है, बिबि नम्बर-1, जुबैदा आरो गुबुन माखासे सावथुनफोरजों लोगोसे करिश्माआ नायगिरिफोरनि गोसोआव जायगा आवग्रिनो हादोंमोन। बबेखानि फावखुंग्रिआ मोनसे सावथुनआव स्विमसुट गादोंमोन, जायखौ लानानै गोबां जेंना सोमजिदोंमोन। करिश्मानि बिबथै एबा ऋषि कापुरआ

स्विमसुट गान्नाय सिनखौ मोजां मोनाखैमोन। ऋषिआ सानोदि, गावनि गिबि सावथुनाव स्विमसुट गान्नाया करिश्मानि थाखाय गोनांथि नडामोन। रिपर्टआव बेखौ दाबि दैखानाय जायोदि, ऋषिआ गावनि बियादैखौ बे बाश्त्राखौ लानानै खुद्रिखांदोंमोन। मोनसे श्रबेक इन्टारभिउआव करिश्माआ बे आयदानि सायाव बाश्त्रा सावरायदोंमोन। फावखुंग्रिआ बुंदोंमोनदि, सुबुंफोरा खालि सावथुनआव गावनि पारफर्मेन्स होनायखौल' गोसोआव दं, स्विमसुट गान्नायखौ नडा।

‘जाट’ सावथुननि नख'रारि बक्स अफिसआव रं आर्जिनाया दावख्लायादों



2023 माइथायाव सानि देअलआ 'गादार-2' सावथुनजों लोगोसे बक्स अफिसआव नुजाथि फैफिन्दोंमोन। से खावसे बोसोर उनाव जेब्ला बिथाड गावनि आरोबाव मोनसे एस्कन सावथुन 'जाट'खौ लानानै फैयो अब्ला सान्दोंमोनदि, सावथुनआ बक्स अफिसआव दोहौ सोमजिहोगोन। नाथाय 'जाट' सावथुन रिलिज जानायनि 7 सान उनावने 'केसरी-2' सावथुनआ सिनेमाहलफोराव रिलिज जायो। जागायजेन्नायाव बे सावथुनआ जाट सावथुनखौ उनाव लाखिनो हायाखेमोन। नाथाय लासै-लासै अक्षय कुमार सावथुननि रं आरजिनाया बांलाडे आरो सानि देअलनि सावथुननि रं आरजिनाया नख'रारि बक्स अफिसआव दावख्लायालानो हमो।

जाट सावथुनआ गावखौ सामलायनायनि सिगांनो अजय देबगाननि क्राइम ड्रामा सावथुन 'रेड-2'आ सिनेमा हलफोराव नुजाथि फैदों। बबेखानि जेब्ला जायखि-जाया सावथुनआ रिलिज जायो, अब्ला गोजाम सावथुनफोरनि स्व'आ बाडाइ जालाडे। जाय थेंजोडै जायखि-जाया सावथुननि बक्स अफिस कालेक्सनआव गोहोमआ गोर्लैखागोनानो। बांसिनि गिदिर सावथुनफोरनि स्व'फोरखौ फुनि अनगायै हरसे सिगांनो जागायना होनाय जायो। बिबदिनो माखासे 'जाट' सावथुनजोंबो जादों। फार्सेंथिं स्व'आ बाडाइ जालांदों आरो गुबुन फार्सेंथिं नख'रारि बक्स अफिसआव अन्जिमाया दावख्लायादों। सेकनलिक डट कमनि रिपर्टनि बादिब्ला, बे सावथुनआ मंगलबारखालि डमेस्टिक बक्स अफिसआव 70 लाख रॉनि खाथियाव कालेक्सन खालामदोंमोन। नाथाय बुधबारनि कालेक्सनआव बेनि अन्जिमाया गोबां दावख्लायादों। सानि देअलनि जाट सावथुननि एकाउन्टआव रिलिज जानायनि 21थि साननि 49 लाख रॉल' फैदों। बे सावथुनआ दासिमाव भारतआव 86.84 कौटि रॉं आरजिबाय। अदेबानि ग्रस कालेक्सननि बिथिडव सानि देअल-रणदिप हुड्डनि सावथुनआ 101.9 कौटि रॉंसिम आरजिबाय। रेड आरो केसरी-2 सावथुनआ जाट सावथुननि 100 कौटि रॉनि क्लाबआव जायगा आवग्रिनो नायगिरनाय सिमांखौ सिफायबाय।

